

Na Ku Kwiluka Kobe We Mwine Wishintililako

Phoenix, Arizona, USA

20 January 1965

1 Natube fye abaiminina pakashita fye, nomba, mwipepo. Ni banga muno abakwete icakulomba pa mutima wabo, ico mwingafwaya ukutila Lesa enga mucitila icintu cimo icisuma muli uno musonkano? Natukontamike imitwe yesu, nomba, kuli Wene.

Shifwe uwa mu Mulu, ifwe tuli abantu abashuka ukulongana capamo muno, mwi shina lyakwa Shikulu Yesu, mucalo icitungwa, umo twinga shinshimuna imwe ukulingana no kukabila ukwa kampingu wesu, na nomba. Kabili tulepepa, Tata, ukutila ici cili no kuba inshita itali. Kabili nomba, lekeni ifwe tube abakubomfya ili shuko ilikalamba ilyo twakwata. Lekeni ifwe tubike umutima wesu onse mu mulimo muno bushiku, kuku shinshimuna Imwe, pa kutila cingalandwa ukutila Lesa aciba mukati kesu muno bushiku, ukupala abantu Bakwe.

Pususheni umweo onse uwaluba uuli muno muno bushiku, Shikulu. Kabili uwabwelelenuma onse, lekeni babwelele ku nga'nda yakwa Lesa. Ndepepela umuntu onse umulwele. lekeni ondapwe, abatitikishiwa bengenda, kabili impofu shingamona, ba nkoma matwi bengomfwa. amalumbo no bukata ukupelwa kuli Yesu Kristu pakati ka bantu Bakwe! Lekeni cikebukishiwe inshita itali, Shikulu, pa mulandu wakutila ifwe natu longana fwebene capamo no kulomba mwi shina lyakwa Yesu pali aya mapalo. Ameni. Kuti mwaikala.

2 Nangu cibe fyo, mu kwisa ku Ramada Inn, lyonse cimoneka kwati kubwelela ku nga'nda, ulya musango, pantu Naba kuno inshita itali ukuti ine ndetontokanya bena batendeka fye ukunjishiba ine. Kabili ndi uwansansa pali cilya, pantu ninsanga ibumba ilisuma ilya bantu muli aba ba Ramada Inn. Cimo mu Tuckson, kabili cimo kuno-bena bali aba cikuku nganshi kuli ifwe, ukutuleka ifwe ukukwata ukulongana. Te kale sana nalikwete ukulongana ukwandi ne mwine kulya mu Ramada Inn, kabili maneja tansuminishe ine ukusonkela icikulwa. Cilya cisuma nganshi! Ndeibukisha cilya, ilyo ndeciluka inko nasho, nomba, balya abacita ifisuma kuba nga'nda yakwa Lesa.

3 Nomba twalikwete, ukutula pa Mulungu ubushiku, Pamulungu icungulo ntile, nshita ishikalamba shimo muli Shikulu. atemwa nakuba ninkwata. Nalikwete inshita iya wama ukuipakisha amapalo yakwe, kabili ne senge lya Mupashi wa Mushilo, pamo na bantu Bakwe. Ine nalitemwa ukwibukisha ukutila capamo ifwe tule shinshimuna Lesa. Imwe muli mibele yakwa Lesa, iciputulwa cakwa Lesa, ilyo mwaba umwana mwaume no mwana mwanakashi wakwa Lesa. Kabili Lesa ali muli imwe, ukucito bufwayo Bwakwe, nga imwe muli no kumuleka Wene uku cicita.

E ico ifwe tulesubila muno bushiku, ukutila umuntu onse ali no kulabako pa fintu ifyo fyaliko mu nshiku, kabili nokubika kumbali icintu conse, no kubika fye imitima yesu mukati fye ka kulongana-te ino fye yeka inshita ya bushiku, lelo mu musonkano uleisa. Ukwabula ukutwishika amabumba ayengi nayalongana. Kabili ndemoni bamo na bambi muno bushiku ku ntanshi, ukulongana kwa musonkamo uyo uuli no kutendeka mailo. Kabili ndeipusha abantu abo abali muno ku kupuputulwa uko twakwete fye, ukutila nga cena conse cinga citwa, ndekabila imwe kuti mwasangwako kumusonkano. Ifwe tuli no kukwata bamo abaishiba ukulanda abatantikwe. Umo munyina nafilwa ukwisa, kabili ifwe natukwata abengi abali nokuba kuno ukusenda icifulo cakwe. Ndefwaya ukuba mu musonkano onse, ine wine, ukuipakisha lino isenge.

4 Namwishiba, ifwe tulesa kuno ngaba kapyunga, kabili tulalanda. kabili ifwe lyonse tulapela ku bantu ifintu fyonse ifili muli ifwe. Nalishimikile isambililo inshita imo, apo Yesu asosele, "Moneni cananika, ifyo taba cucutika nangu ukupikula. Kabili pano ndemweba, ukuti Solomoni mubukata bwakwe bonse tasamikwe nga umo."

Kabili ndesanga ukutila cananika alingile ukukula akasuba no bushiku, ukupikula, ukucucutika, kukuilenga umwine ukubalika. Lelo ena tapokelelamo amapalo ukufuma muli kwena, umwine. Ena alaisula umwine kabili abalepita balanunsha icena cisuma ukufuma kuli wene. Ulushimu lulasenda ubuci ukufuma fye mukati ka mutima. Ena alapela ifintu fyonse ifyo acucutikilapo ukuletamo. Kabili nainike mbila yandi, "Reverend Mister Lily." E ico lilya lili nge sambililo ilya ibela, lelo cena efyo cili.... bakapyunga balaipela abene ku bantu. Kabili cena cisuma, lyena, ukwikala fye panshi kabili ukumfwa kuli bambi, kwati konta ku mulilo. Ifwe twalitemwa ukwikala mumbali ya lubingu lwa mulilo ulwa umo no mubiye, no kukafya imitima yesu ne mbila nsuma iyo ba munyinefwe baleshimikila ku bantu. Kabili ndetasha ukukwata ili shuko ukucita cilya.

Kabili nomba, ndesubila muno bushiku....

5 Billy alinjebele ukutila alipela amakadi yakupepelwapo yonse. Kabili ifwe twalifililwe ukuleta umulongo wakupepelwa kuno lubali nga twali no kucita, mwamona. Imwe mulingile ukushingulukila mumbali ukupitila kulya, kabili ukupitila mucikulwa icafita, no kwisa ukulubali, kabili imwe kuti mwaipununa pa fintu ifili fyonse ukwisa ingila muno. Kabili abatitikishiwa, na balemana, kuti baba mu musango uwabipisha ukucicita. Lelo, ifwe tatwishibe ifyo Shikulu wesu engacita. Ena kuti aisa mukati fye kesu, muno bushiku, kabili ukundapa cila umo uuli muno-ubulwele bonse. Kabili owe, Ine kuti natemwa ukumona cilya, ukucila

imilongo yonse iyakupepelwa ine natala ukukwatapo mubumi bwandi-ukumona fye ukuiteka kwakwa Lesa ukwisa pakati ka bana Bakwe abacumfwila. Ine lyonse nalitemwa cilya.

6 Ilingi line nga imwe na mukwata ukulanshanya ukuli konse na bantu, ngo kwa kubike ndupi, kucitaba...nshiletontokanya abengi nganshi kuti bacita cilya.... Cisuma, bena kuti basosa, "Uwaifi, ne fi kapyunga alibika indupi shakwe pali ine, kabili ubukata kuli Lesa...." Cilya cilalenga abantu ukulolekesha pali ulya kapyunga lyena.

Lelo nga imwe kuti mwaiminina fye pano, ukushimikila Icebo, no kuleka Mupashi wa Mushilo ukundapa uuli onse, lyena kulya.... Cena mucine cine cili fye inkumbu shakwa Lesa. Kabili lyena Lesa alasenda ukulumbanya konse, ubukata, kabili tapaba icinshingwa nangu cimo pa muntu uuli onse.

Ulya e musango ine, muli bukapyunga bwandi, umulandu nshiila kubengi.... Nomba, mailo bushiku ifwe twalyeshe ukupepelela abengi nganshi ngefyo twingacita. Lelo ukubikapo indupi,

7 Kabili ilingi line.... Mu nshita sha bushiku ... nalimo fye Mupashi wa Mushilo esa fye pakati kesu no kutendeka ukuilangisha Umwine, ukuilenga ukwishibikwa Umwine pakati kesu. Kabili lyena, kuli cilya, Ndetontokanya cena cituntulu, ilyo Ena kuti aba, nalimo, mukuiteka....

mwamona, Tekuti nsose nomba, "Uyu mwaume, atemwa uyu mwanakashi, atemwa ulya umwana," mwamona? Mupashi wa Mushilo alenda mucikulwa, no kulanda kuuli onse uo Ena alino kulandako, mwamona. Kulya kuiteka. Kabili lyena, cilya cileta mukwishiba (pantu cena bulayo bwakwa Lesa), kabili cilya cileta ukwishiba kwa.... kuiteka kwa kwa Lesa, kabili na cimbi cileta umulola Wakwe ukwika pakati kesu. Ifwe tulingile ukumona cena, no kusangalala!

Kabili te mulandu, mwatila, "Cisuma, nali uwalemana mukuboko kwandi. Nali kulya inshita ya bushiku iya fumineko. Ine nshaumfwilepo nabwino." Cilya tacakwatapo nangu cimo icakucitapo na cena. Kuli imwe, cena nacipwishiwa kale. Imwe tamulelolekesha ku kuboko kwenu lyena, imwe mulelolekesha pa bulayo, mulemona.

Kabili e ico kanshi imwe tekuti musose, "Cisuma, Munyina Kampanda-na-kampanda tapepele ipepo lya citetekelo," atemwa, "kampanda-na-kampanda." Cena mulola wakwa Shikulu uwapele imwe citetekelo, mulemona. Kabili lyena Ena atumine Icebo Cakwe, no kubondapa bena.

8 Nomba, mailo bushiku ine nshafikilishe ubulayo bwandi nakabili, Kabili ndi uwashininkisha ndi no kwesha ukusunga bwena munobushiku, nga kuti nacita. Kabili nakwete.... Umuntu umo atile, "Iwe tawaikela pesambililo lyobe mailo ubushiku."

Iyo, Ine nshacitile. Pantu, Nalamweba mulandu nshi. Ine nali no kushimikila pe sambililo, nomba nindabako fye nicinshi, lelo ... "Lesu Uwacindama Mu Luse." Kabili nalyeshe ukulondolola, ifyo kutila Paulo ukulanda kulya, atile, "Ifwe fwebali akale inshita-imo inshita, imo inshita imbi ukucila nomba-ifwe twali abafwa mu lubembu na mu mampulu, uo Lesa ku mweo kulengo wa mweo."

Nomba, mwamona ilyo icintu icili conse tacilalengwa ku mweo, kulingile kwaba icintu cimo kulya icakuleta ku mweo. Cilya cishinka.

9 E ico mulemona, nga imwe mwali mukwishibila kabela kwa kwa Lesa, lyena imwe mulesa mukuba iciputulwa cakwa Lesa. Kabili inshila fye imo imwe mwingaba umwana mwaume wakwa Lesa, atemwa umwana mwanakashi wakwa Lesa, imwe mwalingile ukuba iciputulwa cakwa Lesa. kabili Lesa taba uwapwililika ukwabula imwe. Alingile ukuba, cishinka. pantu kwaba fye umo, intulo fye imo iya Mweo wa Muyayaya, kabili ulya ni Lesa-kabili Wene eka alikwata Umweo wa Muyayaya. mwamona. Nomba, kabili imwe mwali iciputulwa ca Wene, icakutula imwe muli mibele napamo mukutontokanya Kwakwe, mukutendeka. Kabili cilya, pantu Ena atontokenye pali imwe mukutendeka, cena cilapela kulyo kutinta ukunono kuli Wene. Cilya e cilingile ukulengwa ica mweo.

Bamo muli bena tabakatale ukulengwa aba mweo. Bena tabakwata fye cena, epe lafye. Kwati fye, nga mwabika uluseke lwa ngano mumushili, talwakwete.... Te mulandu ifyo lwena lwali ulusuma, nga lwena talwakwete akamusonga kabumi muli lwena, lwena tekuti lutale lulengwe lwa mweo. Lelo akamusonga ka bumi kalingile ukuba mulya intanshi.

10 Kabili nalikwata lilye lyashi ilinono palwa ulya kapumpe, ukwenda pamo na bana nkoko kabili no twana twankoko, pantu ena alitotelwe no kufyalilwa kulya. lelo ena tatalile ukumfwa fye nga tulyotwana twa nkoko. Kabili namwishiba, ilyo nyina aishile no kubilikisha, ena aumfwile ishiwi ilyo lyaumfwike bwino nganshi kuli wene, Pantu, ibukisheni, ena ali ni kapumpe icakwambilapo. Ena aishileisanga fye umwine, ukusanga icifulo cakwe.

Ulya e musango uwacetekela onse aba. Imwe tamwafyalilwe pa mulandu wa ili sonde. imwe mwalengelwe mu cipasho cakwa Lesa, ukuba umwana wakwa Lesa. Kabili imwe tamwaba muli ulu lubansa lwankoko kunse uku. Imwe muli kapumpe! Kabili namwishiba, naishileba pali ulya kapumpe, kabili nalifililwe

ukubwesha inkasa shandi pa mushili. E ico nakwete fye.... Naile apatali nganshi, kabili nalilabileko ifyo isambililo lyandi lyali. Kabili nalufishe ifyo nalebele, ne fintu fyonse ifyashala. Ine nalikwete inshita iyawamisha. Lelo cilya efo cena cali, cena cali fye-pali ulya kapumpe.

11 Nomba, lekeni ulya kapumpe wakwa Lesa.... Namwishiba Lesa alapashanya bakasesema Bakwe kuli bakapumpe, kabili ena alaita Umwine kapumpe. Ena ni Yehoba-kapumpe, Tata-kapumpe. Kabili umulandu Ena acitila cilya, kapumpe kuti apupuka apasansamisha ukucila icuni icili conse icabako, kabili pantu ena alengwa uwapusana ukufuma ku cuni cimbi icili conse. Nomba, ena tapanga icinsa cakwe pa mushili nge nkoko, kabili na fimbipo, lelo ena alaya apasansama ukupanga icinsa cakwe.

Kabili icintu cimbi, ukutila ena cuni icapangwa umwaibela. Nomba, nga ulukoshi, atemwa mwankole, atemwa ikubi, atemwa icuni icili conse kuti caesha ukukonka ena mu mulu, cena kuti capona. cena tacapangilwa kuli ici. Ena alingile ukuba umuntu uwaibela ukuya pa mulu palya. Amapindo yakwe yaba ayaikatisha ukucila icuni cimbi icashala, kabili ilinso lyakwe lilamonekesha ukucila icuni cimbi icashala. Kabili ilyo aya apasansamisha apatali sana ena kuti amona. Cisuma, fimo muli fyena ifyuni ilyo fyena fyaya apasansama nge fyo fyena filingile ukuba, fyena filaba ifya pofula nga kasusu.

Kabili ulya emusango na, Cisuma ilyo.... Bena basha cilya cisumino, bena tabeshiba nangu cimo palwa cena. "Inshiku sha fipeshamano shalipita," cinshi, Bena tekuti bamone Cena. Lelo bakapumpe kuti baya mu myulu, kabili imyulu ya myulu, pa mulu palya. Busuma nshi cena cicita ukuya pa mulu Palya, ngaimwe tekuti mumone?

Owe, ndi uwansansa nganshi ukuba, "umo uwa bena," kabili ukwampana ne finisa ifingi ifyaisulamo bena, nomba.

12 Natupilibule mu Cipingo ca Kale, mwi Buku Iya Mapinda, iyalembwa na Solomoni, umo pa muntu uwa mano nganshi mwi sonde kunse kakwa Shikulwifwe Yesu. Lelo Ena tali filya fine nga Solomoni, icakutila Solomoni ali muntu uwafyelwe ku mwanakashi, kabili afyelwe kuli wishi wa pesonde, Dabidi. Lelo Yesu ali umwana uwafyelwe muli na cisungu kabili ena tali fyonse umuntu, lelo Ena ali ni Lesa, umuntu-Lesa. kabili Ena ali ukucila umuntu. Ena ali umuntu, ukulundapo.

Lelo Solomoni ali fye umuntu, ngaimwe na ine. kabili alombebe Lesa ukumupela amano ukutungulula ubufumu bwakwe. Kabili ena alikwete icabupe ca mano -umuntu uwacenjela nganshi uo twatala ukwishibapo kunse kakwa Shikulwifwe. Ena alembele Amapinda, kabili ndetontokanya yena yasuma nganshi.

Kabili ifwe twalapilibwila, nomba, mwi buku Iya Mapinda, icipandwa ca 1-icipandwa ca 2, ntile-kabili amavesi ayanono ayakubalilapo aya Mapinda, ica 2 ukutendeka na 1, Amapinda 2, ukutendeka na 1, ukutwalilila kwa kwa Solomoni ukupanda amano abana bakwe. "Wemwana wandi, nga kuti wapokelela...." Njeleleniko, cena Mapinda 3:1. Njeleleniko. Nacilolekesha kuno lubali pe buku lyandi, kabili cena, ndemona ukutila cena Mapinda 3, mu cifulo ca 2. Njeleleniko. Amapinda 3:1.

We mwana wandi, wilaba amalango yandi; na mafunde yandi leka mutima obe uya linde:

Pantu ukutantalila kwanshiku, ne myaka ya mweo, no mutende, yakaba yakulundako kuli iwe.

Wileka uluse ne cishinka fikutaluke: fikake mu mukoshi obe; filembe pa cipampa ca mutima obe:

E fyo ukasanga ububile no kushilimuka kusuma mu menso yakwa Lesa na ya bantu.

Tetekela muli Shikulu nomutima obe onse; no kwiluka kobe we mwine wishintililako.

Uko konse wenda umwishibe, nao akatambalika inshila shobe.

Owe, ndetontokanya lilya lilembo iyawama nganshi. Nomba ndefwaya ukusenda nge sambililo, ukufuma mu vesi 5, "No kwiluka kobe we mwine wishintililako."

13 Nomba, ili lili isambililo ilyeni nganshi, ku bushiku ubo tuleikalamo, pantu ukukonkomesha, ilelo, kwaba mucine ukwabikwa pamasambililo, kabili pa kwiluka kwesu fwebene pa fintu. Bushiku bwakusambilila. Lelo tulesanga ukutila pano, ukutila iyi nsoselo iyeni-nga yambi Amalembu-yalikwata icifulo caiko, kabili tulesubila ukutila Lesa ali nokutuleka ifwe ukumona uko icifulo cibebele.

Ilelo tulatuma abana besu ku sukulu ukukwata ukwiluka. Elyo panuma ilyo bapwisha na ma sukulu ya kubelenga, ifwe tulabatuma kwi sukulu likalamba ku kwiluka kusuma ukwa kwishiba. Elyo ilyo bena bapwisha kulya, bamo abana balaba abashuka nganshi ukuya ku koleji, kabili ukuya ukupita mu koleji ukupwisha amasambililo yabo, no kwiluka kwabo ukwakwishiba, ifyo bena besa mukukwatilamo....

Inshita ishing, ukukwata incito, imwe mulingile ukukwata nalimo ukwiluka kwe sukulu Iya pa mulu, masambililo yaku koleji, atemwa nafimbipo.

14 Nomba, Solomoni uwa mano alitwebele ukutila, "te cakwasha ukushintilila kuli kwena-ukwiluka kwesu

fwebene. mwishintilila pali ifi fintu, Pantu....

Ifwe tulasunguka mulandunshi ukutila ena engasosa icintu nge ci.... pantu ni pa mulandu wa kutila, ilingi line ukwiluka kwesu ukupya kwaba ilingi line amano ya muntu, ico caba icapusana ku Cebo cakwa Lesa. Ndetontokanya ukutila filya eflyo Solomoni aleesha ukupanda amano abana bakwe-tacali ukuba abatutu, lelo tabalingile ukushintilila ku kwiluka kwabo.

Kabili ine ndetontokanya cena kuti caba ukukoselesha ukusuma ilelo, nga ifwe twalisosele ku bana besu, kabili na kubana bakwa Lesa, ukutila, cena cili fye bwino ukukwata amasambililo, tapaba nangu cimo icakususha cilya; lelo ilyo yalya masambililo yali ayapusana ku Cebo cakwa Lesa, lyena shintilileni ku Cebo kabili lekeni amasambililo yenu yabe, mwamona. pantu Icebo.... Kabili amasambililo yakeminina, kabili yaka mupela incito isuma, kabili nalimo ukwikala kusuma pakati ka bantu abasambilila, lelo.... Cilya cili fye bwino, ico nalimo cikaba ubwafwilisho ubukalamba kuli imwe, ukumwafwilisha mufyandalama shenu, kabili ubwikashi bwenu-ukulenga ubwikashi nalimo ukuwaminako panono kuli imwe.

15 Lelo ibukisha icintu cimo, we mwana wandi, iwe ulingile ukufwa. Te mulandu ubwingi bwa masambililo wakwata, ubwingi bwa fyantambi wingakwata ukwishiba, iwe ulingile ukukumanya imfwa. pantu calilembwa ukutila umuntu alingile ukufwa, kabili panuna ya cilya bupingushi. Kabili Lesa, ilyo.... Imfwa tayabipa nganishi; lelo ukwisa ku bupingushi e ciputulwa icabipa.

Nomba imwe kuti mwafwa, lelo panuma ya cilya bupingushi. Kabili Lesa takepushe kuli imwe, ubwingi bwa masambililo mwakwete ilyo mwali pano pesonde, ubwingi bwakwishiba ubo mwaishile kwata, nga cakutila mwalikwete Bachelor wa Art, atemwa ili yonse degree iyo imwe mwingakwata, nangula nga kapyunga. cena tacakafwaikwe kuli imwe.

Lelo cikesa fwaikwa kuli imwe, ico mwacitile pa lwakwiluka palwa Cebo cakwa Lesa. Kulya eko icifwaikwa cishila, pantu Cilya amasambililo yenu yali fye bwino, Lelo Icebo cakwa Lesa e Mweo. "Icebo candi e Mweo, kabili ukwishiba Cena e mweo."

Kabili ena Atile, "Ukwishiba wene. Ena e Cebo." E ico imwe kuti mwaishiba fye Wene ne Cebo, pantu Ena e Cebo. Kabili ulya e musango fye weka imwe mukeshibilamo Wene, caba ku Cebo Cakwe.

16 Umo muntu kuti aisa no kusosa, "uyu e Lesa," atemwa "ulya e Lesa," atemwa "uyu e Lesa," atemwa "ici e calungama," kabili "cilya e calungama." Lelo ifwe tulabwelela ku Cebo, ico caba Icine.

Kabili Icebo caba fye nga Ulutanda lwaku Kulyo-e lutanda ulwa cine. Te mulandu ni nshila nshi isonde lilelelamo, lulyo lutanda lwa ku Kulyo lwabikwa pakati ke sonde. Imwe mulabika compass yenu ku lutanda lwa ku Kulyo. Lwena lyonse lwaba pakati ke sonde. Intanda shimbi shelela mumbali pamo ne calo, lelo Ulutanda lwa ku Kulyo talutenshiwa.

Nomba, kampasi e Mupashi wa Mushilo, kabili e ... icakushintililako cenu kuti caba ulutanda lwa ku Kulyo. E ico Mupashi wa Mushilo lyonse akasontelela ku Cebo. Mupashi wa Mushilo takatale ukumutungulwila imwe ku cintu cimbi kano ku Cebo cakwa Lesa.

E ico musango nshi umuntu engasuminina icisumino ilyo cena calipusana ne Cebo? kabili elyo nalyoline ukusosa ena alikwata Mupashi wa Mushilo? Mupashi wa Mushilo kuti amusontelela ukumutalusha kuli cilya. Cena cisenda Mupashi wa Mushilo ukusontelela imwe ku Cebo, pantu Ena e Cebo. Ena e Cebo.

kabili Cena kuti cacita fye.... Nge fyo icikasha muli compass yabikwa fye ukutonta ku ncende ya ku Kulyo, ulya e musango fye weka inga sontelamo. Kabili ilyo Mupashi wa Mushilo e mwine, kabili kalemba, kabili kapela wa mweo ku Cebo, musango nshi cene cinga sontelela umuntu ku cintu cimbi icashala kano Icebo?

17 E ico ilyo muntu asosa bena balikwata Mupashi wa Mushilo, no kusumina icintu cimo icapusana ku Cebo, cena cilangisha ukutila cilya te Mupashi wa Mushilo uwa cine uo bakwata, Mwamona. Cena kuti caba icipuku, ine tekuti ntaliki she cilya. Lelo cena tacaba Mupashi wa Mushilo wakwa Kristu.

Lelo nomba, namwishiba inshita ishingilwa bena balasenda imipashi ya umo no mubiye, kabili e ico cilya limbi kuti casontelela-kwati mwibumba lya bantu-ku cintu cimo, lelo cena teti, cena teti cisontelele kuli Kristu. Lelo Mupashi wa Mushilo lyonse usontelela kuli Kristu, kabili Kristu e Cebo.

Ifwe tulemona ici palwalala nganishi muli Baibele, atemwa ndacita. Nalimo ine limbi kuti nalufyanya, lelo mumatontokanyo yandi.... Lelo nshiletontokanya ifyo. pantu ukutila, ici wishintilila ku kwiluka kobe we mwine pa fintu.... Nga iwe washintilila kukwiluka kobe we mwine, lyena iwe uli no kufuma mu nshila iyalungama.

Iwe tekuti ushintilile ku kwiluka kwa muntu umbi, ilyo caisa ku mweo. Ukusanga umweo, iwe ulingile ukushintilila ku Cebo, Cilya cishinka.

18 Tulemona ici ukufuma mu kutendeka. Cena calilengwa ukwishibikwa palwalala nganishi kuli ifwe,

ukufuma ku ntendekelo, ukutila Lesa apele ulupwa lwakwe ulwakubalilapo pe sonde Icebo Cakwe ukwikalilako. Icebo Cakwe ceka cali ica kwikalilako. Nomba, cilya tacaba ukupitila mu kulya icakulya, kabili na fimbipo, Lelo Icebo cakwe eco bali nokwikalilako umuyayaya. Kabili ilyo lyonse ilyo basungile cilya Cebo, balikele umuyayaya. Lelo iciputulwa fye icinono ica lilye shiwi lya cilya Cebo cabikilwe pambi, umunyololo onse waliputwike, kabili umutundu wa bantunse waingile mumfwa. Mwamona?

Nomba ifwe tulemona. Efa, uyo wali, ukwabula ukutwishika, ali umuntu uwa mano, uwantanshi ukufuma fye kuli Adamu, uyo wali umwana wakwa Lesa.... Kabili Efa, mucine-pa kuba muli cilye cifulo uko kushali ulubembu, takwali icifulo ca lubembu- ena mucine alingile alikwete ilyano ilyawama pafyo Lesa ali. Pantu cila cungulo ena no mulume wakwe baleenda mukantelelwe akebala, mucungulo bushiku, no kulanda icinso ne cinso na Lesa.

Efyo icintu icabula amano ico muntu uyo wingenda icinso ne cinso na Lesa cila bushiku, kabili elyo kuti apilibukila ku cakwelenganya ukwa cintu cimo, ico calengele wene ukwelenganya ukutaluka ukufuma ku Cebo cakwa Lesa!

19 Ifwe tucili twalibakwata bena. Kabili cena caba icayanguka ukwelenganya ukufuma ku Cebo cakwa Lesa, panuma yakwikala mu Mulola wakwa Lesa, ukumona Icebo cakwa Lesa ukushimikilwa, Icebo cakwa Lesa ukulengwo kumonekela, bacakolwa na ba bembu besa ku cipailo kabili balapilibulwa no kulengwa ifibumbwa fipya muli Kristu, abantu aba mibele yabipa ukulengwa ba na mayo kabili na baume abatekanya; kabili elyo ukupilibuka ukufuma kuli cilya cintu icapalwa ico cabatungulwile kuli uyu mweo, kabili elyo ukuba uwapondamikwa ukukonkelesha umusango umo uwacisumino, ukwisaba uwalumbukwa nganshi, atemwa ukuya mu fyo bali no kwita i "bumba ilyawamisha ilya bantu."

Cinshi, imwe mwaba mwi bumba ilyawamisha ilyo lyabapo! abana baume na bana banakashi bakwa Lesa! Cinshi, nalitemwa lilye bumba bwino ukucila ifyo ningacita ... ne sha mfumu shonse na ba cilolo kabili ifintu fyonse ifyashala. Mpeni lilye bumba ilya petama ilya bantu. Nga bena tabeshibe ukuboko kwabo ukwa kulyo ukulekanya no kwa kuso kwabo, cikulu fye bena balishiba Lesa no kumutemwa Wene no kubombela Wene, kulya e kusefya ukwaku mulu kuli ine! Ee, mukwai!

20 Nomba, lelo tulesanga ukutila Efa balimunashishe ukwabula ubwafya kuli Satana ukufuma ku Cebo cakwa Lesa, kabili ena ashintilile pa kwiluka kwakwe umwine. pantu Satana aletele icintu cimo kuli ena ico cishali kuli wene ukwiluka ukwa cine ukwa kwa Lesa. Lelo ena alikwete icintu cimo icalandilwe kuli wene no mulwani, Satana, kabili ena alicetekele cena. Nomba tulesanga icaishilecitika pali ici. Caposele umutundu onse uwa bantu mu mfwa, pantu, mayo wa ntanshi pe sonde ashintilile ku kwiluka kwakwe umwine, ukupusana ne Cebo cakwa Lesa, no kuposela umutundu onse uwa bantu mu mfwa. Nomba, bushe mulecetekela cilya? Cilya e Cebo.

Cisuma, umwanakashi aba lyonse.... Ulukuta muli Baibele Iwapashanyaniwa kumwanakashi. Kabili ulukuta ilelo kuti lwasumina umwina wa fishilano atemwa ifisumino, no kuposela ulukuta lonse mukupatulwa ukufuma kuli Lesa! Balya bantu abo abapyanisha filya fintu mu cifulo ca Cebo cakwa Lesa baba fye nga Efa. Kabili cena calicitwapo nshite shingi mpaka calibika iyi nkulo yonse ukuposwa ukufuma ku Cebo cakwa Lesa.

21 Kabili ilyo Icebo calengwa ukumonekela, Icebo casokololwa, bena tekuti basumine cena, pantu.... Bena tekuti bacicite cena, pantu bena balashintilila ku kwiluka kwabo abene. "Ulu lukuta lwalikulilwe pano, cena cifulo ica emba, Cena kabungwe akakalamba, cena ni membala uwa mubili ukalamba uwa bantu. Mulandu nshi ifwe teti tube kuli cilya? Ndi no kusubila muli cena." Mwisubila mukwiluka kwenu mwebene, lelo subileni mu Cebo cakwa Shikulu.

Nomba, nomba cena calipwile mukulekelesha mumfwa ku mutundu onse, nge fyo nacisosa. Cimo cine nga nomba, ku bantu abengi abo abashintilila pa kwiluka kwabo abene, ifishilano fyabo ne fisumino, kabili na fimbipo, ukusosa Icebo cakwa Lesa tacaba conse icine, ukutila cimo ica cena caliputwamo kabili cimo tacaba.

Musango nshi mwingakwata icitetekelo muli Baibele, nge ciputulwa ca yena caliputwamo kabili iciputulwa ca yena tacaba? Nga cimo ngo kubelenga kumo kuli ukwa lubana, lyena icintu conse kuti caba icalubana. Cena conse cilingile ukuba icalungama. filya fine icalungama.

22 Kabili yamo muli aya aye-twa ukuba ayapondamikwa, amasukulu ya Baibele, ukusambilisha ukwishiba kwa muntu, uko bena besa capamo no kwikala mu kabungwe ka bantu, no kusosa, "Nomba, lolekesheni, nge nshiku shafipeshamano ... shalipwile mu nshiku sha batumwa...."

Kabili abantu abengi ukupitila muli bishop, atemwa abaume abacindama, kuti baikala kulya, no kusosa, "Cisuma, nga kuti nasuminishanya fye pamo nankwe, ukwabula ukutwishika lelo ine limbi kuti naba mu mulongo ukukonkapo pa cifulo cakwe." Mwamona, lyena imwe mulashintilila ku kwiluka kwenu mwebene, mucifulo cakwiminina pa nkasa shenu shibili pa Cebo cakwa Lesa. Cilya e cilenga ifintu.

23 Inshita imo akale, umo muntu.... Nali mukukansana pa musonko. Kabili batile kuli ine, batile, "Cinshi,

ama trustees bobo tababa nangu cimo kano tulubi, ndemona.”

Natile, “Nga nalikwete trustee mukabungwe uyo wakwete ilyano ilya pusana, kabili ena tekuti eminine-kabili nshilesakamana uyo ulelanda palwa cena-kuti alangisha amatontonkanyo yakwe umwine palwa cena, ine kuti na mufumyamo mukabungwe!” Ee, mukwai! Nangula cena cali icapusana ku cisumino candi, ndefwaya ena ukulangisha ico ena aletontonkanya ico cili icalungama. Cilya e co na mubikile palya, kumona ifyo alesosa palwa cena. Lelo ifwe twalikwata cilya.

24 Moneni, Yesu atile, muli Yohane Washila 10, “Impanga shandi shaliishiba ishiwi lyandi.” Ishiwi, mucine, e cebo Cakwe, ilyo Ena alelanda. “Impanga Shandi shaliishiba ishiwi lyandi. Ishiwi lyandi lyalishininkishiwa kuli shena ukuba ilya cine. Lyena lyalishininkishiwa, ukutila lyena li shiwi lyandi.” Nomba moneni, bena tababa aba kunakila ukukonka ishiwi ilili lyonse. Bena teti bacite. “Impanga shandi shaliishiba ishiwi lyandi, kabili umbi umbi shena tekuti shikonke.”

Mu mashiwi yambi, shena tekuti shiluke ishiwi lya masambililo yafya bulesa ilyo lilesambilisha ukupusana ne Cebo. Impanga tashiluka cilya. nga filya kapumpe, mailo bushiku, tekuti eluke ukulila kwakwa na nkonko. Bena tabeluka, pantu ena ali ni kapumpe. Kabili cilya e cintu cimo cine ica cine, nowafyalwa cipya cipya mwana wakwa Lesa. bena beluka fye ifintu ifili fyakwa Lesa.

Nomba, umo muntu atila, “Cisuma, nomba lolekesheni. Imwe kuti mwacita ici, ndetontonkanya.”

“Cili, ndecetekela cena.... tacili uyu musango?”

“Ndecetekela ukutila inshiku sha fipeshamano shalipita. Nshicetekela ukutila kulya e kundapwa kwa Bulesa.”

“Nshacetekela ici.”

Nomba, umwine mwine, uwafyalwa cipya cipya umwina kristu, cilya tacakatale ukwiminina mu matwi yakwe. Ena teluka cena nakalya. Kabili musango nshi umuntu uyo wacetekela muli Lesa, kabili kuti abelenga Baibele, no kumona ukutila Ena aba cimo cine mailo, ilelo, nomuyayaya, akatala ukusumina icintu ca musango nga filya, ine nshiluka cena. E ico, bena tabashintilila kukwiluka kwabo abene.

25 Kwati fye akanya. Imwe mukasende akanya akanono, kabili lekeni fye kena kafyalwe, kabili lekeni fye kena umuku umo kashintilile pa cifuba cakwa nyina, ukonka kuli wene umukaka uwakaba, ukushintilila akamutwe kakwe akanono pa cifuba cakwe, nangula kena kali fye ama ora ayanono mukufyalwa.... Mu bushiku bumo atemwa shibili ukufuma lilya, mukafumye kuli nyina no kumupela pa mabele yakwa nacifyashi umbi, kena kakapantaula tulyo tunkansa utunono mulwelele no kubilikisha! Ena te nyina. Mwamona? Kena kalikwete kale i ... cintu cimo palwa kena, pantu kena kaba iciputulwa cakwa uyu nyina. Nomba icifyalilwa calikapele nshila ukwishibilamo nyina wakako akene.

Kabili nge cifyalilwa calipela inshila yakanya ku kwishiba nyina wakako, uko kena kafyalwako, cicilemo pa mwana wakwa Lesa, uyo wafyalwa ku Mupashi wakwa Lesa! Ena alishiba Nyina! Alishiba, pantu ena alifyalwa ku Cebo, kabili ena aleluka Icebo! Mukamubike mucifulo cimbi cimbi, ena.... Mucine ali kunse ka cifulo, Ena akafuma mulya bwangu bwangu nge fyo engacita, Pantu ena alikwata.... Ena tashintilila.... Umo muntu atila, “Nomba, lolala wemutemwikwa, uyu e noko nomba.” Ena te nyina. pantu ena alikwata inshila yakwishibilamo ukutila ena aba iciputulwa ica uyu nyina, ulya e nyina. Tapali naumbi uwingasenda icifulo cakwe. Ena alishiba nyina wakwe umwine.

Moneni, ifyo cena mucine cabe.... fyo Lesa apanga ifintu fyonse mu musango wa fiko-

26 Ingo'mbe mu musango wa shiko. Inshite shingi mukushileta capamo ... ifwe tuli no kuleta ibumba lyonse ilya ngo'mbe. Kabili no twana utunono, ine nalesunguka ifyo twena twingatala ukwishiba nyinabo wine.

Nomba, shena.... ukwika ukufuma mu mpili, ingo'mbe ishasankanishiwa capamo, i ingo'mbe iyo yakwata akana.... Nalimo akana kango'mbe akanono akali ne nsala kuti kaonka panono kuli nyina umbi, nga kena kali ne nsala nganshi. Lelo ilyo ifwe twaleshiminika shena kulya mu mabala, ulya nyina aletendeka ukupita muli lilye bumba lya ngo'mbe no twana twa ngo'mbe, mpaka yasanga akaiko iyine” kabili akana ka ngo'mbe kalebutukila nyina wakako. Kena kalishiba kulyo kungwi'nta ukunono kabili no kulila kwaiko. Kabili yena ilalilila kuli kalya akana ka ngo'mbe, kabili shimbi ishifyashi shilelila mpaka tekuti umfwe wemwine ukutontonkanya. Lelo kalya kana ka ngo'mbe akanono kali no kusanga kulyo kwita ukwakwa nyina, pantu kena ciputulwa cakwa nyina.

27 Kabili Umwina kristu uwafyalwa cipya cipya ukufuma ku mulu, ena aba iciputulwa ca ici Cebo! Cilya cishinka. Nyina umbi ena tekuti akonke. Ena aba iciputulwa ca Cebo. Ena ekala ne Cebo. “Nge ntandala yapela iciunda cimbi, nani uwingaiteyanya ku bulwi?” Paulo efyo asosele. Ena alishiba iciunda ca Cebo.

Moneni ifyo ici cili ukuboko kwalingilwa kabelwa kwa kwa Lesa ukuba konka ukuya pantanshi. Ena alishiba ukutila ena alisontwa, ena ali mu mbila nsuma iya cine. Ena alishiba ukutila ena alifyelwe ku

Mupashi wa kwa Lesa. Alishiba ukutula Umupashi wakwa Lesa tekuti ukane Icebo cakwa Lesa. E ico kanshi, umbi umbi ena takakonke.

Moneni, umusango....

28 Nacilalolekesha apa lubali pakapepala ako nalembele kuno lubali. Ine nacicilukila kena, lelo ine nacimona fye Amalembo bacibelenga no kutontonkanya kuti nasontelelako kuli yena nakabili.

Moneni ifyo impanga Shakwe shalingilwa kabela sha mukonkele Wene, mulya mwine mu nshiku shabakasambilila wafya bulesa abakalamba abo twatalile ukukwatapo. Bena baishilefuma, pantu balimwishibe Wene. Bena balishibe ifyo Icebo calaile pali bulya bushiku. Bena balishibe ifyo Mesaya ali no kuba. Ilyo Ena aishile, kabili Simon Petero aishile kuli Wene, ico cali fye Simon lilya ... kabili Andrew alyeseshe ukubeba palwa cilya.... "Uyu muntu ni Mesaya." Cisuma, Simon-mucine ena ali, nalimo, panono uwakosa-umutwe-Ena tekuti aye. Lelo ilyo aile mu mulola wakwa Yesu, ilyo Yesu asosele, "Ishina lyobe niwe Simoni, kabili niwe mwana Yona...."

Nomba, ifwe twalishiba ukutula Yesu aebele abasambi Bakwe ukutula ena alibeshibe bena ilyo mufula we sonde taulalengwa. Bena bali imibele yamatontonkanyo Yakwe. E ico kanshi, pakuba ukutula ilye mbuto yali muli ena, kabili ena alishibe ukutula Icebo casosele (kabili alilaiwe) ukutula Mesaya akaba ni kasesema. Kabili ilyo amwene cilya, ena alilekele ukuloba. Ena alishibe lyena ukutula ali no kusha amasumbu yakwe, pantu ena ali no kuba "umulondo wa bantu."

Pantu,

29 Nomba, kulya kwaliminine bambi kulya, abo abamwene icintu cine ukucitwa, no kwita cena umupashi uwabipa. Balya bali bakasambilila ba fya bulesa, pantu cena tacali mu misondele ya kusambilisha kwabo kwa fya bulesa. Kabili bena baishilekana cena, pantu bena bashintilile kukwiluka kwabo abene kuli ba doctor babo. Ilyo Yesu Kristu aishile mukufikilisha kwa Cebo ica bulayo; kabili bena bali abapofula nganshi ukumona cena. Bena bashintilile pafyo bashimapepo basosele, kabili na pa fyo lukuta lwasosele, mucifulo pa fyo Lesa asosele.

Nomba Yesu alibebawile pali cena. Atile, "Fwayeni Amalembo; pantu muli Yena mutila mwalikwata umweo wa muyayaya; kabili yena e ya nshimiko bunte. Aya malembo ayo ndemipusha imwe ukufwaya, yena yalamweba ifyo Naba." Lelo bena tekuti bashintilile ku fyo Icebo casosele, lelo bena bashintile ku fyo ukwiluka kwabo kwali. Bena bashintilile ku kwiluka kwabo abene. Kabili Amalembo yalatweba ukutula bena balifimbilwe. Icifimbo icabo abene ica masambililo ya fya bulesa cabalengele ukupofushiwa.

Mwatila, "Munyina Branham, nikwisa uko ulelosha?"

30 Ndeisa fye kuli ci: cilya cintu cilecitika nakabili, mpaka abaume na banakashi na bantu bali no kushintilila kulukuta lumo ulu bailundako, kabili no kubako, te mulandu ifyo Icebo cakwa Lesa cilesosa palwa cena. Bena balatwalilila fye na cilya, ukushintilila pa kwiluka kwabo abene, no kukana Icebo cakwa Lesa, kwati cena tacatala nangula ukutala ukulembwa. Yena ni mbuto ishimena iya bumi bwa muntu. Yena yalikwata ubumi bwaku mubili, lelo yena tayakwata ubumi bwa bumupashi muli yena ku kuletwa ku mweo.

Icifimbo cali pa finso fyabo. Nomba moneni, bena bakwete amatontonkanyo yabo abene pafyo Lesa alingile ukuba. bena bakwete amano yabo abene pafyo Mesaya alingile ukuba. Lelo Icebo casosele ifyo Mesaya ali no kuba. Nomba moneni, bena balikwete ukwiluka kwabo abene pa fyo Ena akaba.

Ukwabula ukutwishika lelo ifyo shimapepo mukalamba asosele, "Bonse bashimapepo bandi abali pe samba lyandi-nomba ilyo Mesaya akesa.... Ifwe twalikula itempele ilikalamba pano, kabili ifwe twalicya fyonse fi, kabili Baibele itila Ena akesa bwangu kwi tempele Lyakwe, kabili na fyonse ifi fintu. Ilyo Ena akacita, Mesaya akesa fye kuno kwine, no kuishibisha Umwine pamo na ifwe, no kusosa, 'Nine Mesaya. Nimfika. Nine ulya Mesaya, uo mwalelololapo.'" Cisuma, ilyo Ena aishileisa, Ena aishile mu musango uwaibela nganshi ukufuma kufyo bena batontonkenye cena cali, bena tabamwishibe Wene. Bena tabaishibe ifyo Ena ali.

Lelo Iyakwe

31 Umwine nga.... nga umo bumbi munda nga lyendele kulya lubali no kusosa, "Nine Mesaya. Nine doctor Kampana-na-kampana"? Bena ngabalismine cena. Lelo ilyo mwaisa ku muntu uyo wakwete ukufyalwa kwa mfifi kunuma yakwe, takwali amasambililo aye sukulu ilili lyonse Ena atalile ukuyako ku kusambilila, takwali seminary iyo Ena akwete, takwali kadi lye senge.... Lelo Ena ali ubwilulo bwa Cebo cakwa Lesa ukulengwo kumoneka!" "Imilimo iyo ncita ilamweba ifyo Naba. Nga nshilecite milimo iyo nalaile ukuti nkacita, lyena mwincetekela Ine."

Kabili bushe teti tupashanye cilya kulibuno bushiku, Ilyo Mupashi wa Mushilo akesa, kabili balefwaya ukubika ku nshita imbi? Ilyo ena akesa mu mulimo, kabili ne filangisho ifya maka Yakwe aya mweo wa

muyayaya? Abantu bafwaya ukwita cena u ukufulungana ukwabipisha. Cinshi? Bena baleshintilila ku kwiluka kwabo abene kabili te ku Cebo cakwa Shikulu. Mwalishiba cilya cishinka.

32 Ica kwishibishako ukutula Lesa ukwilula kwakwe kwaba ukulangisha kwa bulayo.

Nalimo kuti nasosa cena, ukucilenga ukuba palwalala panono. Ilyo Lesa alanda icebo, Ena takabila umwaume uuli onse atemwa umwanakashi uuli onse, atemwa uuli onse uwashala, ukusosa ifyo cilya cipilibula. Ilyo Asose.... "Cisuma," mwatila, "Lesa apilibwile ici." Lesa apilibulafye ifyo Ena asosa Ena ukuba, mwamona.

Nomba, musango nshi Ena elwilamo Icebo Cakwe Umwine? Pa kufikilisha cena!

Baibele itila, "Nacisungu akemita." alicitile. Cilya tacifwaikwa ubwilulo ubuli bonse. Lesa atile, "Nakube ulubuuto," kabili e ko lwali. Cilya tacifwaikwa ubwilulo ubuli bonse. Lesa atile nacimbi, ukutula muli ishi nshiku shakulekelesha Ena akapongolwela Umupashi Wakwe pa bantunse bonse. Kabili Ena nacita cena! Cilya tacifwaikwa ubwilulo ubuli bonse! Cilya cifwaikwa fye ukusumina-umuntu umo ukusumina ifyo Lesa acita. Cena tacifwaikwa ubwilulo.

Lesa alelula Icebo Cakwe umwine. Lesa alilaile ifintu ifyo tumona, akasuba na kasuba, ukutula ena akacita munshiku shakulekelesha.

33 Abantu ilelo nge fyo cali lilya-bena balashintilila pa kwiluka kwabo abene. "Kacema wandi asosa ukutula kulya kufulungana." Lelo Baibele itila cena cikacitika. Kwiluka kwa kwa ani muli nokushintililapo?

Baibele yalilaile mu nshiku shakulekelesha, ukutula inshita ya lukuta lwa Laodikea ikaba iya nonka nganshi, no kuba nganshi kuli ... mukulinga ukwabo abene.... "Ndi uwa nonka, Nshile kabila kantu. Ninjikala nga na mfumu." Kabili ena ali nonka.

Kabili Atile, "Iwe no kucishiba tawacishiba, ukutula uli uwa nkumba bulili." Nomba ilya enshita yonse iya lukuta. Ulukuta!

Kulukuta lwa Laodikea: "Iwe uli ubwamba, impofu, umubusu, umulanda, no kucishiba tawacishiba." Ukwikala mu fyuma fyakwe! imyanda mishila ukufusha imyanda mishila, kabili amakana ya ba membala-ubunonshi bwe sonde mu kuboko kwakwe, mupepi. Ukubika fyonse capamo, bena, pamo no lukuta lwa Katolika kabili na ma Protestanti capamo, ilyo bena baleya capamo, bena balikwata ubunonshi bwe sonde.

34 Ifwe tatwakwata muli ino nko, mupepi fye. Ifwe tule ashima pa musonko uo ukalipilwa mu myaka amakumi yane ukufuma nomba efyo ba njeba, efyo basosele mu "LifeLine." Imisonko ifwe tulebomfya nomba shikalipilwa imyaka amakumi yane ukufuma nomba. Umwishikulu wandi umunono, nga Yesu akokola, imisonko iyo akalalipila ilyo akaba imyaka yakufyalwa amakumi yane ifwe tulebomfya shena nomba, Ukutuma ku fyalo fimbi-kabili ba Nsamya besu fwebene ne fintu, ukufwa ne nsala-ukweshwa ukushita isenge.

Imwe teti mushite senge. Imwe tamulingile ukushita cibusa. Iyo. Lelo cilya eco tulecita-ulya e musango ifwe twatantikilamo. ukusonkesha abantu ku cintu conse ico bakumako. umusonko, umusonko, umusonko!

Kabili ifwe tatwakafume mu nkongole sha nkondo pa myaka imyanda nomba, Ndemona, isho

twabikwamo kuli ba politishani. Kabili nomba, ifwe tatulingile ukuba ulya musango, tapali umulandu uwa ifwe ukuba ulya musango.

Lelo inkuta ishine na shinonka. Ibukisheni, ubunonshi bwe sonde, efyo Baibele isosa, caba mu lukuta lwa Katolika. Ulya emulandu wine Russia atamfishe lwena. Cihshi Russia atamfishe lwena.... Ilya yali imishila ine iya communism. pantu ulukuta lwasambilishe ukuba icintu cimo ... ena taali nakalya ku bashala mwi sonde.

35 Ilyo twali kulya mu Finland, kabili ulyo mulumendo umunono abushiwe ukufuma ku bafwa, kulya kwaliminine balya abashilika abena Russia ukukutumana. Kabili batile, "Ifwe kuti twapokelela Lesa uyo wingemya abafwa!"

Ifwe twalipanga ifilonganino, kabili amasukulu, kabili ifikulwa, no kufilwa ukucita ifyo Yesu atwebele ukucita-cali ukushimikila imbila nsuma! Ifwe twalyesha ukusambilisha isonde. Ena tatalile ukusosa, "Sambilisheni isonde. Uyo wasambilila akapusuka." Imwe mulingile ukufyalwa cipya cipya, ukwisushiwa no Mupashi.

Ulya e mulandu wine ifwe twafililwe ububi nganshi, ukuli konse. Mwamona, ifwe twalikwata icuma, ifwe twalikwata icintu....

Nomba ni cinshi icili no kucitika? Kabili ilyo ulu lukuta, Akabungwe ka Machalichi ye Sonde kaisa

capamo, bushe tamulemona uyo uli no kwisa tungulula? Bushe imwe ba Methodist na baPresbyterians tamuleiluka cilya? imwe mwe bashala, nangula kuli ba Pentecostal? Mulesosa ukutila tamwakengilemo. Imwe limbi muli no kwingilamo, nga te ifyo mulinokonaula ifilonganino. Muli no kucita ici atemwa icibiye. Cena cili fye kuntanshi yenu! Imwe mulingile ukucita cena! Cena kupatikisha-ululembo lwaciswango.

Kabili filya eflyo cena cili, filya fine fye. Ubwina filonganino, mucine (Ine kuti nashininkisha cena na Baibele) e lulembo lwa ciswango. Lwena lwalini cilende mukalamba. Lwena lwakwete abana banakashi bacilende. Kabili ifwe twalishiba ukutila cilya cishinka. Bukapepa ubwabunganishiwa caba icapusana ku Cebo, kabili cena caba munkanyakristu mu mafunde ya ciko. Te fintu fyonse mulya ifyaba munkanyakristu; lelo mu mafunde yaciko, cena mibombele yaciko nimunkanyakristu, pantu cena cisusha Icebo cakwa Lesa. Imibombele yonse iya bunganishiwa yaba ulya musango!

36 Mwacimone co, mwamona? Kabili imwe mulashintilila kukwa muntu umbi ukwilu ... ukwiluka kwabo, mucifulo icakushintilila ku kwiluka kwa kwa Lesa, pafyo Lesa asosele palwa cena. Ulya emulandu wineabela icilubo. Abalumendo balaya ku maseminary, abo abakwata amasambililo ayasuma, ukuya kuli aya masukulu aya Baibele ayetwa, kabili nalimo bena balikwata ubwite bwakwa Lesa mu mutima wabo. Kabili bena balaya kunse kulya, kabili bena balingililwa nganshi ne cimonwa cimo: "Kampanda-na-kampanda asosele cena, Bishop Kampanda-na-kampanda, uyu umo asosele cena, ulya umo asosele cena. Akabungwe kabantu kalisuminishe ukutila uyu emusango cilingile ukuba."

Nshilesakamana ifyo muntu uuli onse ukusosa. Yesu atile, "Leken i shiwi lya muntu onse libe lya bufi, ne lyandi libe lya cine." Te mulandu nga lyakwa ani ... ilyandi libe lya cine.

Nomba, musango nshi twishibilamo ico cili cne? Ilyo Baibele ilanda ukutila icintu cimo cili no kucitika, ukutila icintu cimo cili noku citika, kabili cena cilacitika ulya musango.

Nomba, Baibele itila, muli ena mwaliu ubunonshi bwe sonde, golde, silfere. Nomba, nga tuli pelamfya lya golde, kabili ifwe tatukwete, nomba ni cinshi icili no kwisa citika? Ni cinshi icili no kwisa citika?

Namwishiba abantu abacuma aba ino nko-aya mafakitoli ayakalamba kabili abaume ba wisiki, na baume bafwaka, kabili na fimbipo nga filya, tafyakeminine ukupilibula indalama. E ico icintu fye ceka ico tuli no kucita kwashima shena. Kabili kwaba fye icifulo cimo uko twingashima shena. Kabili ilyo twacita, ifwe tulashitisha ama bubeli yesu kuli shena. Cilya cishinka.

Lyena, ni cinshi ico muli no kucita? Imwe mwalishitwa kuli shena. ilya emibombele. Takuli icintu na cimbi ico imwe mwinga cita.

37 Owe, mwe bantu, mwitontankanya ine.... Imwe limbi kuti mwatontankanya ndi uwafulungana, Lelo ilyo ishiwi lyandi likatalala tondolo mumfwa aya matepu yakatwalilila ukulalila, kabili imwe mukeshiba ukutila ifyo nasosa nafisa mukufikilishiwa.

Ine kuti naba umuntu uwatumpa nganshi ukukwata ukwiminina uko nasenda, ukutila ... no wakususha ici cintu.... Ine kuti naba ... Ine kuti naba uwakususha Lesa. Ine kuti naba uwakususha ifintu fyonse ifyo fyaba Lesa, nga ine ... nga nalikwete ... nali uwalubana mumatontankanyo yandi na mubwite bwandi. Icintu kuti caba icakususha Lesa.

Lelo nalisenda ukwiminina kwandi pantu ndacimona umu mu Cebo. Cena Cebo cakwa Lesa. Elyo ndacimona cena ukushininkishiwa, ukushininkishiwa ukutila cena Cine. Bulya e bwilulo ubo Lesa apela pa Cebo Cakwe. Ukwilula kwa kwa Lesa umwine kwa Cebo Cakwe caba umusango Ena ashininkishishamo cena, no kulenga cena ukuba icine.

38 Mulandu nshi aba baFariseo bali abapofula? Cinshi icabalengele bena ukuba abapofula nganshi? Pantu bena tekuti basumine ubusokololo. atemwa icishininkisho ca Cebo. Kabili ulya e mulandu wine, ilelo, uo inkuta shapofwila, ni pa mulandu bena tekuti basumine ubusokololo ubo buleshininkishiwa. Nge Cebo eflyo casosa, kabili cena casokololwa, kabili elyo cena cashininkishiwa, nalyo line bena tekuti basumine cena.

Ulya e mulandu wine aba baYuda, aba Yuda ba buno bushiku, tabakacite.... Imwe tekuti mulande kuli bena palwa kwa Kristu, pantu icifimbo cicili pa menso yabo-abapofushiwa. Kabili ulukuta-imwe teti mulande kuli bena pa mbila nsuma yonse, na maka yakwa Lesa, pantu umulungu wa ili sonde alibapofwisha ukufuma ku fishinka fyakwa Lesa, kabili bena bashintilila ku kwiluka kwabo abene.

Ilyo abanakashi baisa mu lukuta no kubeyako imishishi yabo, pantu ba kacema wabo balabeba, "Owe, cilya cili fye bwino. Ulya muntu alifulungana.!" Lelo Baibele isoso kuti ena apange cilubo ilyo ena acitica. Lesa alakana ukwasuka ipepo lyakwe. Kabili bamo muli bena abanakashi balaleta umusebanya naumbi, kabili balesha ukuba kashimikila. Iyena acita imilandu ibili. Baibele isoso kuti ena talingile ukucita cilya, nangu cimo pali cena.

Lelo lukuta lwakabungwe luli no kupokelela cena nokusonta wene, no kumutuma kunse kulya ukushintilila ku kwiluka kwabo abene.

39 Cimo Icebo cakwa Lesa ukubikwa pambi, atemwa ukwilwila mumbi, atemwa cena uku kana cisumina, cilaputaula umunyololo onse. Umuntu takabe no mweo ku cilyo ceka, lelo ku cebo conse ico cifuma kukanwa kakwa Lesa.

Cinshiabela, abanakashi? imwe mulangu'mfwa ukushimikila ukukanya ifi fintu ifyakufwala bakaputula, nokupenta, kabili ne miwamishishe ya mishishi iya ifi kuno ne mishishi iyabeyewa, na yonse ilye misango ya fintu; kabili elyo cila mwaka nganabwela imwe mucili namwikala mu mibele imo ine. Ni pamulandu imwe mushintilila pakwiluka kwenu mwebene, mucifulo ca Cebo cakwa Shikulu.

Kabili ba kacema, mulandu nshi tamuamisha ama chalichi yenu? Pantu mulaya ku cisumino ca cilinganino cenu, mucifulo ca Cebo cakwa Shikulu. Cishinka. Nokwiluka kobe we mwine wishintililako.

Cisuma. nokwiluka kobe we mwine wishintililako, kano pa Cebo cakwa Shikulu.

40 Bena tekuti basumine cena, pantu bena tekuti basumine ukushininkisha. Yesu aishile pamo ne mbila nsuma, filya fine fye umusango Ena asosele Ena akeshilamo. Nangula inshita ishingiki...

Yohane ali uwafulunganishiwako panono ilyo ena aposelwe mu cifungo. kabili ena aile kulya lubali kabili ena alishimikile ukutila kwali no kwisa Mesaya, Uo lupe luli mu minwe yakwe. Kabili ena akelulule cipumino cakwe, no koce misungu mu mulilo ushingashimishiwa, nokututila ne ngano mu butala-Umupashi wakwa Lesa ukuleta, ukufuma muli Wene kwati ka fukauka.

Kabili lyena, ilyo ena amwene Yesu ukwisa mukumonekela-munono uwafuka, umuntu uwapala ngo wapetama, ukulansunkilwa uku no ku, ukubutukila uku pa bumi Bwakwe, kabili kulya lubali-cinshi, bena tabacitile, Yohane alifililwe ukwiluka cena. E ico atumine bamo abasambi bakwe ukuya ipusha kuli Yesu, nga Ena mucine ali Eo.

Ifyo cali ica musebanya kuli Yesu! Panuma ilyo ulya kasesema, aiminine kulya mumenshi ne Cebo cakwa Lesa, atile, "Nalimwishibe Wene, pantu nalimwene Umupashi wa Mushilo nge nkuda-Lesa ukwika ukufuma ku mulu nge nkunda-nokwingila muli Wene, kabili naumfwile ishiwi ukufuma ku mulu ukusosa, 'Uyu e Mwana wandi uwatemwikwa.'"

kabili elyo Yohane atile, "Kabiye ni no kwipusha Wene nga mucine Ena ali Eo, nalimo tulolele umbi?"

41 Nomba, Yesu tatalile ukutumina ena ibuku ilya fya kuicindika mucifungo, atemwa lukuta nshi ulu ali no kuilundako, Lelo Ena Atile, "Loleleni pa kashita no kulolekesha ifyo filecitika. kabili elyo muleya mukulangisha Yohane ifintu ifyo mulemona, no kucitwa." pantu ukutila imilimo yakwe iyo Ena acitile yalishininkishe Wene ukuba Mesaya, Umwana wakwa Lesa. "Alishuka uyo, ushaipununa muli Ine."

Abengi nganshi baba abapununshiwa. Abantu abengi nganshi balapununshiwa ukwabula ubwafya, pa Cebo cakwa Lesa. Nga cena capusana, bena bafwaya ukushintilila ku kwiluka kwabo abene. Bena tabafwaya ukusenda Icebo cakwa Shikulu. Kabili bena balingile ukuya umusango fye uo bena basambilishiwe ukwendelamo. Kabili umusango uo bena basambilishiwemo, ulukuta lwabo lushintilila pali cena. Te mulandu nga Lesa alilaile Ena uku cicita akaleka iloke akakwate mfula mulucelo, kabili ulukuta lwatile, "Bulya buwelewele," bena kuti bacetekela ulukuta, mucifulo ca kwa Lesa.

Pamulandu wa nshi? Bena bafyalwa ku lukuta. Lelo muntu wafyalwa kuli Lesa aba nimbuto yakwa Lesa, Kabili mbuto yakwa Lesa e Cebo cakwa Lesa, kabili ena ekalilafye kuli cilya. Ulya e mweo wakwe.

42 Nomba, bena bashintilile ku kwiluka kwabo abene. lelo bena tabalefwaya ukushintilila pa Cebo cakwa Lesa. Bena balishibe bwino-cena cali mu Malembo. Bena baitile cena umupashi wakowela, ulyo muntu. Pantu cinshi? Ba shimapepo babo baitile, "Uuli onse uyo ukaya ukumfwa uyu muntu ukushimikila, bena bakatamfiwa mu sunagoge."

Ilyo muntu aundepwe uyo wali mpofu limo, kuli Yesu.... Nangula abafyashi bakwe, abansansa nganshi palwa kundapwa, lelo bali nomwenso ukulumbula ukutila cali ni Yesu uwacitile cena. Ee. Atile i ... atile, "Bushe uyu mwana obe?"

"Ee."

"Nani uwa mulengele ukuba umutuntulu?"

Atile, "Ine nshaishiba. Ena mukalamba, mumwipushe. Ena kuti ailandila umwine." Pantu calilandwa ukutila umuntu uuli onse uyo washintilile ku yakwe, ukwiluka kwakwa Kristu, mucifulo cakwiluka kwabo, akatamfiwa mulukuta. Nomba bushe cilya te cimo cine fye? Ndemwipusha ili kankala ilipusho ilya fye. Cishinka.

Cilya caleta icintu cimo cine. Te mulandu ifyo Lesa acita, cena cilingile ukuba ukulingana no kwiluka kwabo abene-te cilya ico Lesa ashininkisha ukuba icine.

Nomba, kabili ulyo mwaume alikwete ubwasuko, nangula. Atile, "Nani uwakundepe?"

Atile, "Ulya uwitwa Yesu wa kuNasaleti."

Atile, "Ena mubembu. Ifwe tatwaishiba uko Ena afuma."

Atile, "Nomba, cilya cintu iceni. Imwe mwalingile ukuba intungulushi sha ino ora. Kabili pano uyu mwaume aisula amenso yandi. cilya tacacitwapo ukutula ilyo isonde lyatendeke. kabili nomba, mulesoso kutila imwe tamwaishiba uko Ena afuma."

Owe, mwe!

43 Cinshi? Bena bashintilile ku kwiluka kwabo abene mucifulo ca Cebo cakwa Shikulu. Pantu Esaya atile Impofu shikamona, abalemana bakatoloka nge nsebula, ifiswebebe fikakwata ukusangalala. Lelo mulemona, bena bashintilile kukwiluka kwabo abene, te ku Cebo-imibombele yabo abene iyo bapangile.

Nomba, moneni inkuta shelelo ukucita icintu cimo cine. Bena balipanga umutundu ukalamba uwapulamo uwakwiluka mu mibombele yabo iya cilonganino, ukutula bena balikwata ukwiluka ukwapulamo ukwa musango ifi bena tabafwaya nangu umo ukutumpinkana na cena, nangu umo ukwisamo kanofye baba kuli lilye bumba.

Mwinjeba. njikala mu Tucson, Arizona. Naile kulya lubali imyaka itatu iyapitapo. ine nalikumenye akabungwe kamachalichi. Kabili natile, "Nshatala ukwisa ukutendeka ulukuta. Naisa mukulongana naimwe. Naisa kukumwafwilisha imwe. Nine minshoni, kabila wa mbila nsuma, Conse ico ncita...."

Batile, "Bushe muleisa kuno ukutendeka ulukuta?"

Natile, "Iyo, mukwai. Naishile kuno.... Ngandefwaya ulukuta, nalikwata lumo mu Indiana." Natile, "Naishile kuno pantu Shikulu alitungulwile kuno mucimonwa. Ndi no kwikala pakashita nomba, kano fye Ena antungulwila kumbi. Lelo ine nshaishile ukutendeka ulukuta. Naishile ukwafwilisha imwe ba munyina."

44 Cilya caba imyaka itatu iyapitapo. Nshatala lalikwapo ku cifulo cimo. Cinshi? Pantu kwaliko ukwisa capamo panuma ya cilya, kabili batile ngo muntu uuli onse aishile mbika ine mu cintamba cabo, bena kuti batamfya ulya kashimikila.

Mwamona, Cinshi? Ukushintilila ukwiluka kwabo abene. Mucine. balya e baitunga ukuba.... bena balapanga ukwiluka kwabo ukwapulamo. Kano fye mwabika ishina lyenu pe buku lyabo (imwe muli abalubulwa), imwe muli abaluba. Kapyunga alinjebele cilya.

"Owe," mwatila, "ulya ali ushaishibisha umo." Cena cali ni Pentecostal. Jack Moore na ine twaikele kulya no kukutika kuli ena, mu Dallas, Texas. Atile ena ali no kufumya umuntu ukufuma mwibuku. Natile, "Mulandu nshi?"

"Pantu ena alelongana na iwe."

Natile, "Cisuma, lifumyenimo."

Atile, "Cisuma, ena naluba lyena."

Natile, "Ukuluba?"

"Cinshi," atile, "cisuma, ngeshina lyakwe talilimo muli lyena...."

Natile, "Ulenjeba iwe uli district prebyster, no kucetekela cilya?"

Atile, "Cilya e cishinka."

Natile, "Fuma pali lamy, we mwaume!"

Shilya te nkumbu shakwa Lesa. Cilya, mwamona....

45 Pantu ku Mupashi umo ifwe bonse tulabatishiwa mu mubili umo kabili tulesa mukuba ba membala wa ulyo mubili. Nshilesakamana umutundu uuli pali imwe, cilya tacakwatapo icakucitapo na cena. Imwe muli mucine Umwina kristu mukufyalwa, ilya e nshila fye yeka. umusango fye weka mwingabelamo-tekuilunda, te kufisumino, te kusansamuka ici, atemwa ukusungila ici, atemwa cintu cimbi, napamo kumasambililo, yafya bulesa. Imwe muli Bena kristu ilyo mwafyalwa cipya cipya. kabili imwe tekuti mufyalwe cipya cipya kano fye nga mwalisalwa ukufyalwa cipya cipya. Pantu, "takuli umuntu uwingesa kuli ine, kano fye Tata abakula. Kabili bonse abo Tata ampela bakesa." Ameni. "Nkamwimya nakabili pa bushiku bwakupelelekesha."

Aya ayakalamba ayetwa ukuba amasukulu yaBaibele, ayo twakwata. bena bashintilila pa masambililo yabo abene. Owe, mwe! Bena.... te mulandu ifyo Icebo cisosa, bena kuti balondolola cena palwalala nganshi, owe, ku bene beka, ukuilenga abene beka ukucetekela cena. kabili umusango wabo abene beka ukucetekela cena: ukutula, "Inshiku shafipeshamano shalipita. Takwaba ifintu fya musango ifi nga

bakasesema, bakasesema, abatumwa. Takwaba icintu ca musango ifi nge fyabupe fya kundapa, kabili nafimbipo. Fyonse fyalipwile kunuma mu nshiku sha Baibele.”

Bena kuti bailenga abene ukucetekela cilya.

46 Namwishiba Baibele itila imwe kuti mwacetekela ubufi, no konaulwa kuli wene. Cilya ni filya fine icine. Bena.... Owe, te mulandu ifyo Icebo cakwa Lesa cisosa, bena balashintilila kukwiluka kwabo abene. Bena balashintilila pali kwena, bena balacetekela kwena. Bena batontonkanya cena e cine. Imwe kuti mwatwalilila ukucetekela ubufi nakabili, nakabili, nakabili, mpaka cena caba icine, kuli imwe. Cilya cishinka.

Lelo musango nshi ifwe twishibila ngacakutula cena cine atemwa iyo? Lesa alashininkisha cena ukuba icine, pantu cena cili mu Cebo Cakwe, kabili Ena alashininkisha cena. Ena alakwata ukwilula Kwakwe umwine ukwa cena.

Musango nshi bena bacicita ukwisa kulici? Bena bacicita ku ntambi shabo, amasambililo yabo, yakwiluka kwabo, yakuma degree kwabo-degree ya bu doctor kabili nafimbipo-ukutula bena balisa ukufuma kuseminary imo no kusambilila ifi fintu.

47 Lelo lolekesheni, mwe banandi. umfweni. Tapali nangu pamo muli Baibele umo twaipushiwa ukwiluka. Ifwe tatwaipushiwa ukwiluka cena; Ifwe twalipushiwa kucetekela cena. Ukucetekela cena kuli cinshi? Ku citetekelo. Nga imwe mwailuka cena, lyena cilya cilenga cilya citetekelo ukuba icafye. Imwe teti mwiluke cena, lelo imwe mulacetekela cena ifyo fine.

Nga ine kuti nailuka Lesa, ine tekuti nsetekele Lesa. Ine nshimwiluka Lesa-takuli umuntu uwiluka Lesa. Ine tekuti njiluke Icebo cakwa Lesa, lelo ndasumina cena. Nalicetekela cena. Nshaipushiwa ukwiluka cena.

Nshifwaya ukwishiba ku serminary, atemwa uku konse ukwiluka kukalamba ukwa kwishiba kwa bantu pali cilya. Naishiba fye ukutula Baibele itila ukuti Yesu Kristu aba cimo cine mailo nomuyayaya, kabili ine ndolekesha kuli Wene muli ulya wine musango. Nalishiba Ena alilaya ifyo Ena ali no kucita muli buno bushiku. ine ndolekesha pali Wene ukucicita cena, kabili Ena alacicita. Cilya cishinka. Ena alilaya inkumbu. ine nalelekesha pali shena, kabili ine nalipokelela shena. Ena alilaya ukundapa. nalicetekela kwena, kabili ine nalisumina kwena, kabili ine nalikupokelela kwena.

48 Nomba, nshilefwaya ukusende nshita yenu ikalamba, lelo ndefwaya ukumipusha icintu cimo, nga muli no kushipikisha na ine pali miniti ukutontonkanya bamo muli balya abashashintilile pakwiluka kwabo abene beka, bamo aba mibele imo muli Baibele. pa banono fye abo abashashintile ku kwiluka kwabo abene, te mulandu ifyo ukwiluka kwa nshita yabo kwali.

Natusende tutile, Noah. Noah aikele mubushiku ubwakufwailisha kukalamba kwa science. Mu nshiku shakwa Noah bena nalimo bakulile ba pyramid, ayo bena tekuti bapange nakabili. Nomba ifwe tatwakwata nangu cimo icakubombelako, nangu cimo icakwimishako ifimabwe ifikulu pa mulu palya. Bena teti bacicite ilelo.... Shilye nshiku balikwete umusango umu uwa miti uo bengabika mwilangi, no kulenga ifyakufwala ukumoneka nge fipya mpaka lelo. Balikwete umuti wakukangilako icakutula kuti basungilako umubili. ifwe tekuti tupange umu ilelo, nga twali no kucita. ifingi fyakupanga ifyo twalufya, kabili bena.... Ena aikelemo muya cenjela, inshita ya fyascience.

Yesu asontelele kuli yena, ukutula ulya musango umu wine uwa nshita ukabwela nakabili ilyo Ena talabwela, "Pantu ngefyo cali mu nshiku shakwa Noah...." Nomba imwe muli no kucetekela, cilya bushe temwe? mulecetekela ukutula Yesu asosele cilya? Bushe mulecetekela ifwe natubwelela kuli ilya nshita? Nomba cilya cili mwi buku lyakwa Luka, icipandwa ca 17 na vesi ya 29.

49 Nomba muli Luka 17:30 Atile, "Kabili ngefyo cali mu nshiku shakwa Loti...." ilyo Malaika wakwa Shikulu.... Nomba Ena alebelenga Baibele imo ine ifwe tulebelenga. Kabili ilyo Ena.... bwelelenimo no kusanga ifyo bulya bushiku bwali ilyo takulabe mfula yakwa Noah. Bwelelenimo no kusanga ifyo bulya bushiku bwali ilyo icalo tacilaonaulwa mu nshiku shakwa Loti. Sangeni ifyo cena cali, kabili muli no kumona ifyo Yesu alelandapo.

Munshiku shakwa Noah, balelya, ukunwa, ukupa, no kulekana mucupo; tabaishibe cena mpaka Noah aingile mucibwato kabili ilyeshi lyalishile no kubafumyapo bonse.

Munshiku shakwa Loti, lintu fye sonde lyali umulilo, waocele, icalo ca Bena fyalo, abena sodoma, kwali abalebembuka nabaume banabo, ukupondamikwa, ifintu fyonse mwi sonde. Ilikalamba.... Cena cali Los Angeles wa nshita ipya. te mupya fye Los Angeles, lelo Unite States. te mu United States mweka, lelo isonde. Cena mucine cali. ukupondamikwa!

Umuntu alufishe intulo yabo iya cifyalilwa ca bumi, kabili no kwiluka kwabo ukwa cifyalilwa ukwa mano ya cina bwingi, baishile pondamikwa ku mupashi wakowela uyo waishilepilibula imibombele yonse iya

cifyalilwa cabo icabumi. kabili bena balingililwe ne mipashi ya ngulu. Nga cilya tacili icikope ca nshiku shakwa Noah, nshishibe cena.

Kabili mu-nshiku shakwa Loti, ndepilibula-kabili munshiku shakwa Noah namo, ukulya, ukunwa, ukupa, ukulekana mucupo, ifilye fya milandu ukwisula no kulekana, kabili ifintu fyonse- nga filya fine cali.

50 Lelo ibukisheni, ilyo isonde talila onaulwa, Abrahamu atuminwe pano pe sonde, kabili alipelwe ubulayo bwa mwana. Kabili Abrahamu akumenya Lesa mu fiputulwa ifingi, nge cipasho ca lukuta ica kumanya Lesa. Lelo lintu fye takulaba ukonaulwa, kabili mwana wa bulayo aishilebwela, (atemwa alishile, ntile), umwana alilaiwa alishile. Lesa aishileika, kabili amonekele mu mubili wa buntunse mu muntu, abantu batatu. Kabili bena balishile kuli Loti-baishile ntanshi kuli Abrahamu, kabili balikele panshi. Kabili Abrahamu ishina lyakwe lyalipilibwilwe ukufuma kuli Abram ukwisa kuli Abrahamu, kabili Sarai ukwisa kuli Sarah.

Kabili uyu Muntu, uwalelanda, Elohim, ilyo Ena aishileika ukulanda kuli wene, ni finshi ifyo Ena asosele? Atile, "Ali kwi umukashi obe, Sarah?"

Atile, "Ali mwi hema kunuma yenu."

Atile, "Nkakutandalila ukulingana ne nshita ya bumi." Kabili ena alisekele mwi hema kunuma Yakwe, kabili Atile, "Cinshi ico Sarah asekelo?" Mwamona?

Nomba, Ena nga lifumishepo ubumi bwakwa Sarah palya pene, pa kuseka icebo Cakwe. Lelo Ena tekuti acicite cena, pantu Sarah ali ciputulwa cakwa Abrahamu.

51 Kabili ilelo, Yesu atile muli Luka icipandwa ca 17 kabili na vesi ya 30, "Nge fyo cali mu nshiku shakwa Loti eflyo cikaba pa nshita ya kumpela ilyo Mwana wa muntu..."

Nomba ibukisheni, "Umwana wa muntu" ni kasesema. Yehoba aitile Esekiele "umwana wa muntu." Yesu aleisa mu mashina yatatu: Umwana wa muntu, Umwana wakwa Dabidi. Umwana wakwa Lesa. "Ena aliitile Umwine Umwana wa muntu" pa kuti abantu bengeluka, pantu Ena ali ni ulya Kasesema uo Shikulu Lesa ali no kwimya.

Nomba moneni, elyo Ena alaile cinshi Umwana wa muntu akaisokolola Umwine nakabili. Ilyo ilya nshita tailafika, ilyo takulaba umulilo... ilyo Abrahamu amwene ilyo mwana wa bulayo talafika. kabili ena apilibukile ku mwaume wacaice kabili wene ku mwanakashi wa caice, lintu...

Nomba, moneni. Amalembo filya fine fye yasosa cilya. Nomba tulingile ukulolela pali cilya. Kabili elyo nga twamona isonde mukupondamikwa ne fintu fyo lyabamo ilelo, ukusendwa umusango libelelemo, lyena musango nshi twingasosa ukutila cilya cintu calungama, no kukana sosa ici cimbi cili icalungama? Pantu, umuntu umo.... Imwe muleshintilila ku kwiluka kwabo, kabili te kwiluka kwa kwa Cilolo wa Mweo, Uyo wali ulya Muntu Uyo wali kulya pampongolo pamo na bena, pa Sodomu.

Nomba ifwe tulemona.... Ifwe tatushintilila pakwiluka kwesu fwebene.

52 Noah tashintilile pa kwiluka kwakwe umwine. Yena yali ni nshita ikalamba iya fya science, lelo Ena tashintilile kukwiluka kwakwe ukwa bushiku bwakwe. Lelo ena ashintilile pa bulayo bwakwa Lesa, kabili aenshiwe ku maka yakwa Lesa, kabili ateyenye icibwato mukupususha abanga'nda yakwe, ilyo cena cali mucine icapusana ku mano ya cinabwingi. Takwali amenshi ku mulu kulya, takwatalile akubako. Lelo ena alishibe nga Lesa alisosele kulya kuli no kubako, kwali no kuba. E ico ena tashintilile kukwiluka kwakwe umwine, lelo kucitetekelo aenshiwe ku Cebo cakwa Lesa icabulayo. Umupashi waenseshe ena, kabili ena alicicitile.

Abrahamu, ena tashintilile kukwiluka kwakwe pa bumi bwa buntu. Ena alyupile umukashi wakwe pa myaka yakufyalwa nalimo ikumi limo na cinelubali. Uyu ali apa, imyaka yakufyalwa amakumi cinelubali na fisano, kabili wene ali ne myaka ya kufyalwa amakumi mutanda nafisano, ukuba umwaice imyaka ikumi. Lelo abrahamu tashintilile ukwiluka kwakwe, ilyo Lesa asosele ukutila Ena akamupela umwana kuli Sarah. Lelo ena aitile icintu icili conse, icishininkisho icili conse ica science ico cali icapusana ku Cebo cakwa Lesa, kusambilisha ukuli konse kunse ka Cebo cakwa Lesa, kwati fye tacali ifyo. Kabili ena apele Lesa amalumbo- uwakosa, ukupela Wene amalumbo.

Ena tatontonkenye nangula ukulolekesha pa mubili wakwe umwine atemwa ukuumba kwa mubili wakwa Sarah, atemwa umubili wakwe. Ena tatontonkenye nangu cimo, lelo ashintilile pa bulayo bwakwa Lesa. Ena tashintilile pa kwiluka kwakwe umwine. Ena tashintilile pa fyakwelenganya.

53 "Cinshi," mwatila, "Munyina Branham, cena kwelenganya ukutila Lesa tekuti ondape abalwele, twalikwata ba doctor abengi abasuma." Baibele itila ifwe tulafumyapo ukwelenganya. Icitetekelo taelengany; icitetekelo cilatetekela nokusumina.

Moneni. Lelo ena alitetekele, mu cifulo cakukanatetekela, no kwite fintu ifyo fishali kwati eflyo fyali, ico cali mucine icakukanya ukwelenganya ukuli konse. Lelo ena taelengany; ena aceteketele fye cena.

Takwali ukwelenganya ukwinga shininkisha ukutula kalya kanya kuti kafyalwa. Ulyo mwanakashi ali nalimo imyaka amakumi yabili ukuleka ukuya kumpepo, kabili umubili wakwe wali ngo wafwa. Kabili ilyo ena ali ne myaka yakufyalwa umwanda, imyaka amakumi yabili na fisano panuma, ena nalyo line alepela Lesa amalumbo! ukukanya umusango uuli onse uwakwiluka, lelo kucitetekelo ena alishibe ukutula Lesa kuti asunga Icebo Cakwe. Ena tashintilile kukwiluka kwakwe umwine.

54 Nga cakutula Mose alishintilile ku kwiluka kwakwe umwine, ilyo Lesa amwebele ukutula ena ali no kusenda Farao-abana bakwa Israele ukufuma mukuboko kwa kwa Farao? Nga cakutula ena ashintilile kukwiluka kwakwe umwine, ilyo ena ali kulya ne ntumba ya mulilo, ilyo Lesa asosele, "Kabiye kulya, ndi no kuba nobe."?

Nga cakutula ena lishintile ku kwiluka kwakwe ilyo ena abaletele kuli Bemba wa Kashika, kabili kulya bena bali pa menshi, kabili kuno Lesa alibalaile impanga ya bulayo. Nga cakutula ena alishintilile kukwiluka kwakwe umwine? "Musango nshi ndi no kwabukila kulya? Ifwe tatukwete inshita ukukula ubulalo. Ifi apa ifita fileisa kunuma yesu. Ishi apa mpili kumbali shonse. Aya apa menshi ku ntanshi yesu, bamba uwa Kashika."

Nomba, nga ena alishintilile kukwiluka kwakwe umwine, ena nga limishe amaboko yakwe no kubutuka, ukuwa pankasa shakwa Farao, ukusosa, "Farao, njelelako, nalipanga icilubo." Lelo ena tashintilile ku kwiluka kwakwe umwine. Lelo alipepele, kabili Lesa alimwebele ukutampwila ku ntanshi, kabili bamba aliswike, ico cali cakususha ukwelenganya konse. Lelo ena tashintilile kukwiluka kwakwe umwine.

55 Nga cakutula Yohua, ilyo aile kulya lubali ne filonganino fimbi ikumi, no kwenda kulya lubali no kumona ilye mpanga iya bulayo iyakwa Lesa, kabili nga ishilebwelela pamo na bena no kusosa, "Nomba loleleni pali miniti. Cena cishinka, ifwe tulemoneka nge fipaso. Bena mapaka. Musango nshi ifwe twingatala ukubasenda? Ifwe tatwakwata na mapanga- kano fye aya ayo twasenda. Musango nshi ifwe twingatala ukwingilamo ukusenda ilye mpanga? Cinshi, cena cintu icishingacitwa umupwilapo. Bena bengi ukucila ifwe abaume amakumi yasano kuli umo. Bena bashilika abasambilishiwa, kabili ifwe tatuli nangu cimo kano fye bumba lya baleceme mpanga kabili bakakanda ba mati pa ukufuma ku Egypt. Musango nshi... ifwe tatwakwata ne cishangu ne fintu, musangonshi ifwe tukatala ukusenda cena?"

Cinshi, ukwiluka kuti kwashininkisha mucine ukutula bena tekuti bacicite. Umuntu onse uwa nkondo nge fyo ena ali, atemwa Mose, nga tabashintilile pakwiluka kwabo abene. Lelo ukwiluka kwabo, tabashintilile pali kwena. Lelo bena balishibe ukutula Lesa alisosele, "Nimupela ilye mpanga. Kabiye ni muye isenda!"

56 Nokwiluka kobe we mwine wishintililako.

Nga washintilile kukwiluka kobe we mwine ilelo, ilyo walwala, nalimo ukwikala mucicinga, ukulafwa ne mpwalonda, ubwafya bwa mutima- kabili doctor atila iwe uli no kufwa, nga iwe washintilile kuli kulyo kwiluka, iwe uli no kufwa. Lelo wishintilile kuli kulyo kwiluka. Mucine iyo.

Nga palwa malinga ya Yeliko, ayo.... basoso kutula kuti bakwatilapo ubwangalo pa maceleta ukushinguluka pa mulu wa yena-filye fibumba ifikalamba. Lesa atile "Kabiye ni muye isenda! Bena bengi ukucila ifwe abaume amakumi yasano kuli umo. Bena bashilika abasambilishiwa, kabili ifwe tatuli nangu cimo kano fye bumba lya baleceme mpanga kabili bakakanda ba mati pa ukufuma ku Egypt. Musango nshi... ifwe tatwakwata ne cishangu ne fintu, musangonshi ifwe tukatala ukusenda cena?"

Lelo Yohua, ukwishiba ifyo filye fibumba fyali ifyatikama.... pantu ena alikulile amalinga ayengi mulya mu Egypti ena alishibe cement iyo yali muli fyena-ifyo fyali ifyakitana ukukwatilapo ubwangalo bwa maceleta pa mulu, kabili nangula amayanda ukukula pa mulu wa fyena. Lelo ena tashintilile pa kwiluka kwakwe umwine. Ena aceteketele ifyo Lesa asosele ukutula cali icishinka, no kunakila Icebo Cakwe, kabili amalinga yaliponene panshi, tashintilile pa kwiluka kwakwe umwine.

57 Nga cakutula alelwisha bulyo bulwi kabili (nge fyo naleshimikila pa Mulungu) kabili kulya akasuba kaleya kalewa? umulwani alicimfiwe. Ilya nshita ya bushiku, bena kuti baisa capamo kabili bena kuti baisa no lupaka lumbi, ukwipaya abengi abantu bakwe. Nomba, nga cakutula ngalisosele, "Ndefwaya inshita ya kasuba, Ningile ukukwata ulubuto ulwingi ulwakasuba. Cisuma, nomba loleleni fye pali mimiti, Lesa apangile ifi mu butantiko. Akasuba eflyo kapilibuka.... Isonde ukupilibuka.... Nomba, natumone. nga ine kuti nasosa pa kasuba ukwiminina, Nalimo.... nge calo caiminina, nomba, lyena cili no kulufya ukutinta kwa ciko. ine nalawa."

Ena takutike kukwiluka kwakwe. Icintu fye asosele cali, "Akasuba iminina shilili, kabili umweshi, wikale apo ubelele!" Kabili kena kali munakile wene! Ena tashintilile kukwiluka kwakwe umwine. Lelo ena ashintilile ku bulayo bwakwa Lesa, "Ni nkupela ilye mpanga. Kabiye uibule!"

58 Ali mupela imwe ubulayo bwa Mupashi wa Mushilo. Imwe kuti mwapokela wene muli uno musonkano, Imwe kuti mwapokelela wene nomba! Wishintilile pa fyenu, "ninaka."

Ndemweba, nindya sana icakulya ca cungulo."

“Ine_ine_ine kuti napata Yohane ukumona ine ukucita ici.”

Owe, ku busuma bweka! Imwe muleshintilila kukwiluka kwenu mwebene. Ubulayo buli kuli imwe, na bana babana benu, kuli abo abali ukutali nganshi, nabo bonse abo Shikulu Lesa wesu aketa.

“Doctor atile ndi no kufwa. Ena ali mpima ine kabili atile nalikwete impwalonda, nalikwete ici, atemwa conse fintu cali. Ningile ukufwa.” Mwishintilila kuli kulyo kwiluka. Lesa ni Shikulu Lesa wenu uyo undapa amalwele yenu yonse. E ico mwishintilila kuli kulyo kwiluka, tekwiluka kwa muntu. Shintilileni kukwiluka kwa kwa Lesa.

59 Nga cakutula Samusoni, kulya mwibala ilyo aba Peleshite, abaume ikana, babutukile kuli ena? Kabili ulya ali palya naiminina kulya, umunono nganshi, uwaonda, ne mishishi shakwe ishanyongana uwalepa nge fi. Kabili ena.... cisuma, ena tali umuntu walupanga, pantu ena taishibe.... Ena takwete ukusambilishiwa muku kusambilishiwa kwafya nkondo.

Ena ali fye umukote umunono, uwa mishishi iyanyongana icapala, ne fikuti cine lubali ukulebela panshi. umulumendo waba mayo. ukwiminina kunse kulya, kabili kuno kwaishile abena Peleshite ikana. Cisuma, ena takwete nangu cimo mukuboko kwakwe. Ena alolekeshe panshi kabili ena asangile ilya kale, ilyapwa, ifupa ilya buta ilya mubango wakwa kafwalo. Kabili ali libulile, kabili ena atile, “Natumone. Nomba, nshacite ifingi ne ici, pantu filye fisote pamitwe yabo fili, balya bena Peleshite.... bonse balya bashilika-bena bonse balikwata imifwi, bena bonse nabakwata inkwela sha fyela, kabili ifisote fyabo fyafinine nalimo ama pound ikumi limo na fisano iciputulwa. Umuntu umukalamba umukulu, onse kunse. Cisuma, nga ine ndi no kuma neli fupa lya kale, lya mubango wakwa kafwalo pali umu uwa filye fisote, cinshi, wene uli no kushonaika mutupimfya. Cilya eco.”

Ena tashintilile kukwiluka kwakwe. Ena abulile fye icali mukuboko kwakwe, no kutendeka ukuma aba Peleshite. Kabili panuma ena aumine ikana ilya bena, ena nalyo line ali acili nakwata ifupa lyamu bango mukuboko kwakwe! Ameni!

60 Nshilesakamana ifyo amasambililo ya fyabulesa yasosa, mwi shintilila kuli cilya. Shintilileni ku Cebo cakwa Lesa, Yesu Kristu aba cimo cine mailo, ilelo, no muyayaya. Mucine. ena aceteketele cena.

Inga cakutula Dabidi alikutike ku masambililo ya fya bulesa yakwa Shauli? Palya paliminine Goliati kulya lubali nokuitakisha kwakwe ukukalamba-kabili bonse, cila muntu no mwenso, Shauli-umutwe na mapeya ukucila bonse abashilika. Goliath atile, “Umo muntu ese no kundwisha ine. Tapali umulandu uwa ifwe bonse ukufwa. Nga namwipaya, lyena imwe bonse muli no kutubombela. Kabili imwe nga mwanjipaya, cinshi, ifwe twalabombela imwe.”

Pantu alikwete ukushipa pali ena. Ulya emusango ciwa atemwa ukucita, ilyo ena akwete seminary yakwe yonse kunse, kabili bena bonse, ilyo ena aleisa, mwamona.

Dabidi uwa kale umunono, ukwenda enda kulya iciputulwa campapa ya mpanga pali ena, uwaonda, uwa mapeya ayawa-umulumendo umunono sana, nalimo ama pound umwanda, ne kumi-Atile, “Bushe imwe mulenjeba, ukutula ifita fyakwa Lesa uwa mweo, ifyo fyasembululwa (mwamona, ku cipangano) fili nokwiminina kulya, no kuleka ulya umwina Peleshite ushasembululwa ukutuka ifita fya kwa Lesa uwa Mweo?”

61 Shauli atile, “Isa kuno, mulumendo.”Atile, “Ninkumbwa ukushipa kobe, lelo inshiku sha fipeshamano shalipita. Ifwe tatwakwata icintu ca musango nga filya.” mwamona. “Kabili leka nkwebe icintu cimo. likadi nshi lyesenge wanganangisha?” mwamona?

“Iwe taukwete nangula icabulwi, Iwe taukwete nangu cimo kano icisukushilo mukuboko kobe.” mwamona? “Iwe taukwete Ph.D. atemwa LL.D. Musango nshi uli no kucita ici? Cinshi, ulya muntu ni mpuka. Cinshi, ena ni D.D., imiku ibili L, Ph.D., LL.Q.-Cinshi, ena nakwata ama degrees ayengi nganshi, ena kuti akambatika icibumba na yena. Kabili iwe ni wani? Kacema wa mpaanga!”

Atile, “Lelo ndefwaya ukukweba icintu cimo.” Atile, “Nawishiba cinshi?” Atile, “Nalecema impanga shakwa tata kunse kulya, kabili,” atile, “inkalamo yalishilemo, no kwikata imo iya shena no kubutuka. Kabili nawishiba, ine nalibulile aka kacisukushilo akanono, no kuikonka yena no kuiponya panshi. Nalibulile umwana wa mpaanga ukufuma mukanwa kaiko, kabili yena yaishile njimina, kabili ilyo yena yacitile, Nasendele fye umwele nokuipaya yena.

“Kabili nali bwelelemo, kabili kuno kwalishile bere ukukonka ilye mpaanga, kabili aikete yena no kubutuka. Nalimwipaye nao.” Atile, “Nomba lelo Lesa, tacili Ph.D., wandi, tacili ukwiluka kwandi ne mwine.... Teti mwebe ifyo ncicita. Ine nshaishiba ifyo cena cicitwa. Lelo Lesa-(Ameni!), lelo Lesa uyo wampokolwele ukufuma ku mala yakwa bere, kabili ne nkalamo, cicilemo ifyo ena ali no kumpokolola ukufuma mukuboko kwa ulya umwina Peleshite usha sembululwa!”

62 Bishop Shauli atile, “Nawishiba, nalicetekela walikwata ubwite, mulumendo. Nalakweba, nga iwe kuti

waisa kuno lubali nalakusambilisha iwe ifya kulwa, mwamona. Kabili nalakweba iwe, nine doctor, e ico iwe ufwale ica bulwi candi. Nalakufwika iwe.”

Dabidi aiminine kulya, kabili bena bali mupele Ph.D., na LL.D., na fyonse filya. kabili umuntu umunono umubusu tekuti akwate no kusela. Ena taishibe musango nshi. Atile, “Nshatalile ukushininkisha ici. Lilye laya lya bukapepa talininga ine. Cifumyenipo ici cintu. Lekeneni ine nje nacilya ico Lesa angafwilisha naco.” Cilya cali citetekelo mu maka yakwa Lesa!

Kabili ena tashintilile kukwiluka kwakwe umwine. Ena tashintilile kufyo muntu umbi asosele. Ena ashintilile kuci tetekelo, Pantu ena alishibe nga Lesa alimupuswishe wene ukufuma kumala yakwa bere, cicilemo ifyo Ena enga mpususha ukufuma kuli ulya umwina Peleshite!

Cisuma, nga Lesa alimutemenwe bwino nganshi ukumuleta imwe ukumufumya mulubembu, no kumwisusha na Mupashi wa Mushilo, bwafyanshi na imwe, mwe babusu, abashakwata umongololo, abatompoka ukushinguluka icalo? bushe Ena teti cicilemo ukupokolola imwe ukufuma muku titikishiwa kwenu, ilyo Ena alaile Ena akacicita? Icebo cakwa Lesa eflyo casosa. Ena ali no kucicita. Mucine, Ena ali mupokolwele wene ukufuma mumunwe....

63 Owe, cila umo uwa bakasesema-nga cakutila bena balishintilile kukwiluka kwabo abene mu nshita yabo? Bena nga tabatalile ukwenda kuli balya bashimapepo, na bashimapepo bakalamba, no kubeta ifibumba ifyashingulwa impemba ne fintu fyonse ifyashala. Bena nga tabatalile ukusesema ukupusana na bena. Bena nga bali kwati bamo muli bena bakasesema abapya-nga balisumine, ukufwale fya kufwala ifisuma, no kuba mwisano lya shamfumu.

Nga cakuti Yohane alyeseshe ukushintilila kukwiluka kwa kwe umwine? Lelo Ena aile fye kulya, kabili bena batile, “Nomba lolala pali miniti, Yohane, wiesha ukushimikila pa cupo no kulekana.”

Ena aile kulya kuli Harod, kabili atile, “Tacasuminishiwa kuli iwe ukumukwata wena!” Ee, mukwai.

Atile, “Cisuma, walishiba ifyo ulya aba? Ulya eka sesema.”

“Nshilesakamana ifyo ulya ali!” Ena tashintilile.

Atile, “Nomba, nawishiba iwe tawakwata ifingi nganshi-Imwe muli kuno lubali muli aya matololo. Akabungwe teti kamupokelele imwe, nga mwaya mulebomba nga filya.” Ena tasakamene palwa kabungwe akali konse. Ena tashintilile kukwiluka kwakwe umwine, lelo kukwiluka kwakwa Lesa. Mucine.

64 Kwali umuntu umo uyo washintilile kukwiluka kwakwe umwine, kabili ishina lyakwe ali ni Yuda Escariote.

Owe, ena ... Ine nshilemona umusango ena ali no ku cicitilamo cena. Ena alyendele icinso ne cinso na Kristu, nga filya Efa acitile mukutendeka. Ena ali mwene icishininkisho. Ena alolekeshe pali Lesa mu cinso, nga filya Efa acitile, mukutalala kwa cungulo bushiku. Efa alolekeshe pali Kristu, mukutalala kwa cungulo bushiku mwi bala. Kabili Yuda alikele mukutalala kwa cungulo bushiku, mwi bala lya Getsemene, na mu ncende ishingwi. Kabili alilolekeshe pali Kristu umowine, no kumumfwa Wene ukusambilisha, ukuishininkisha Umwine ne Cebo-kushininkisha ukuba kasesema uo Mose alandilepo, akesaimishiwa-no kubeba mu Malembo ifyo Ena ali, na fyonse palwa cena. Bena balicimwene cena ukushininkishiwa na Lesa ukutila Ena ali. Kabili elyo ena ashintilile kukwiluka kwakwe umwine. Uhm!

65 Musango nshi ena enga cicita! Cali nipa mulandu ena tatalile ukucikwata kuno lubali mukwambilapo. Ena tali ni mbuto yakwete ubumi. Ena ali umwana wa boni, ukufyalwa ukufuma kuboni, abwelelemo kuboni.

Nomba ifwe tulemona.... Lelo ena alifumine, kabili nalimo ena limbi alikwete ilyano, lyakwiluka kwakwe. Ena limbi alitontonkenye ukutila Yesu-ena alikwete umucinshi nganshi pali Wene-“Nomba namwishiba, ine limbi kuti nashitisha wene pali silfere amakumi yatatu. Kabili nga nacita, ndi no kukwata indalama shimo. Nomba kuti nacita icintu cimo na cilya. Kabili Ena ali uwalinga ukuipokolola Umwine.” Mwamona, ena taishibe, mu Malembo, ukutila ena aimishiwe ukusenda cilya cine cifulo.

Kabili nangula abantu ilelo tabaishiba imibele iyo bena babamo. Cena calisontwa kuli ulu lukuta lwa Laodikea ukuba muli iyi mibele: ukubika Kristu kunse, Kabili wene ukukonkonsha ukweshwa ukubwelelamo, takwali ukwampana nangu kumo, ukushininkisha Icebo Cakwe muli ino nshita nomba, nga filya Ena acitile cila nshita. kabili bena benda fye ukutaluka ukufuma kuli cena, ukushintilila ku kwiluka kwabo abene. cilya fye ecabako kuli cena.

66 Atemwa nalimo, natusose ici, ukutila ena atontonkenye nalimo nga ena kuti ashitisha Kristu pali ba silfere amakumi yatatu, cinshi ena kuti akwata isenge na fimo ifilonganino ifikalamba ifya bulya bushiku, ba Fariseo na ba Seduke. Ena Atile, “Nomba loleleni, Ena kuti aisakamana Umwine. Ine nali mumona Wene mu mabulwi ayakalamba. Ine nalishiba ukutila Ena kuti aisunga Umwine. E ico ine limbi kuti nasenda

indalama shimo, icapala ngo kuleka incito panono, ngefyo cali. Kabili elyo nakabili, ine limbi kuti nakwata ukulumbukwa ukukalamba ne shi nkuta ilelo, nga kuti na mufutuka Wene kuli bena." Mwamona?

Lelo ena ashintilile kukwiluka kwakwe umwine, mucifulo ca kwiluka ukutila cilya cali Icebo cakwa Lesa icashininkishiwa. Kabili ena acitile kuli Yesu filya fine fye ifyo Amalemba yasele ena ali no kucita. Kabili ilelo ulukuta lwe sonde nalubika Kristu kunse muli shino nshiku sha kulekelesha, filya fine fye nge fyo ibuku lya Kusokolola lyasele bena bali nokucita cena. Cena mupashi wakwa Yuda nakabili, mu musango walukuta, ukukwata mimonekele ya bukapepa, lelo ukukana Icebo. Cilya cishinka.

Nomba, owe mwe! ni cinshi caletelemo? Imfwa, nga filya fine cacitile kuli Efa, kabili cena cilacita kuli bambi bonse abo abesha ukupondamika Icebo cakwa Lesa, no kushintilila kukwiluka kwabo abene. Nangula ni nomba, bena balashitisha-te pa ma silfere amakumi yatatu-lelo nalimo ukuba, owe, cilolo umo mukalamba. Ukwishiba kumo kwa seminary-tekuti cibe calinga ama silfere amakumi yatatu-lelo bena balashitisha cena ifyo fine. Balashitisha ukwiluka kwabo kwa kwa Lesa kulya pa cintu nga cilya.

67 Ifyo cali icapusana ukufuma ku mukalamba, uwasambila Paulo Washila, uyo wakwete ukwishiba konse ena engatakishapo. Lelo atile, "Nindekelako icintu conse ica kwelenganya kwandi panshi. Nalikumenye ntumba ya mulilo, ubushiku bumo mu musebo wa ku Damaseke."

Kabili atile, "Nshaishile kuli imwe no kupulama kwa cebo, pantu nga nalicitile, nga mwalisubile mu mano ya muntu. Lelo naishile kuli imwe mu maka ne filangisho fya Mupashi wa Mushilo ukutila imwe muli no kushintilila pa Cebo cakwa Lesa." Ameni.

Atile, "Nga malaika aiso kufuma ku mulu ukushimikila icintu cimbi, lekeni akungwe cilai!" Abena Galatia 1:8. Cilya cishinka. Iyo, mukwai, ena takatale.

Umwanakashi umunono pa cishima-ena ali nicilende, Lelo ena alishibe ukutila ama chalichi yalitamfische wene. kabili... Lelo ena tatalile ukushintilila pa kwiluka kwakwe umwine, ilyo ena akumenye uyu umo pa cishima, uyo wamwebele imembu shonse isho ena acitile. Ena abutukile mumusumba. Nomba, cena tacali icalungama ku mwanakashi ukucita cilya, ukuyamo nokusosa icintu icili conse, pantu ena ali ni cilende.

Lelo ilyo ena akumenye Yesu, ena tatalile ukushintilila kukwiluka kwa bantu shilye nshiku. Ena alishile, atile, "Iseni, mumone umuntu uyo wanjeba ifintu ifyo nacita. Bushe uyu te Mesaya wine?" Ena tatalile ukushintilila pakwiluka kwakwe. Iyo.

68 Na cisungu Maria, ilyo Malaika Gabriel amukumenye, no kumweba ukutila ena ali no kukwata akanya, ukwabula ukwishiba umwaume.... Whew! Tacatala bapo! Wene tatalile ukushintilila pa kwiluka kwakwe umwine, ukutila umwanakashi tekuti akwate akanya ukwabula ukukwata umulume. Wene tashintilile pali cilya.

Lelo ena atile, "Moneni umusha wakwa Shikulu; lekeni cibe kuli ine ukulingana ne Cebo cenu." Wene tasosele, "Musango nshi ndino kucita cena?" kabili, "ni lilali nkacicita cena?" kabili, "musango nshi ici conse cikesa citika?"

Malaika atile, "Mupashi wa Mushilo aka kufimba iwe ... kabili cilya cintu ca Mushilo icikafyalwa muli iwe ciketwa Umwana wakwa Lesa."

Atile, "Moneni umusha wakwa Shikulu." Wene tasendele ukwelenganya kwakwe, ukutila tekuti cicitwe. Wene asosele fye, "Moneni umusha wakwa Shikulu." Cilya cishinka.

Moneni.

69 Umwanakashi uyo wakwete ukusuma mulopa-ba doctor balimwebele wene, batile, "Takuli isubilo." Aliposele shonse isho akwete mubumi na ba shinga'nga, kabili nangu umo pali bena tekuti bamwafwe. Kabili ena tashintilile pali cilya. Ilyo Yesu.... Ena apitile ukupula mwibumba, kabili atile, "Ndecetekela nga naya ikata fye kwilaya lya ulyo mwaume, ndi nokuba bwino."

Ena alitwalilile ukuya.... "Nomba lolala," ba doctor efyo basosele "Iwe teti uposhiwe." Ena alikwete ubu bwafya bwa kusumo mulopa pa myaka ne myaka. Ena alenakilako fye nshita yonse, no kubipilako. Ba doctor balimufililwe. Kulya e kwiluka fye kweka uko bena bakwete.

Lelo ena atile, "Ku citetekelo!" Takwaba ilembo ililanda ukucita cilya. Lelo ena atile, "Nga ine kuti nakumya kwi telo lye laya Lyakwe, ndi no kuba umutuntulu," kabili ena aishile pita mumbali, no kumukumya Wene. Ena alifumineko, ukwikala panshi.

Kabili Yesu alipilibwike, atile, "Nani uwa nkumya?" Ena alolekeshe mumbali mpaka Ena amusangile wene. Ena alimwebele pa fya kusuma kwa mulopa wakwe, kabili wene alyumfwile pali kalya kashita, mu mubili wakwe umwine-wene tekuti ashininkishe cena, lyena-lelo ena aumfwile mu mubili wakwe ukusuma kwa mulopa wakwe kwalilekele. Wene tatalile ukwelenganya nga doctor ali mulekeleko, musango nshi

icintu cimbi icashala cinga mwafwilisha? Wene tatalile ukuya mu kwelenganya, lelo wene aile kuci tetekelo.

70 Nomba, Baibele itila ukutila Ena ni shimapepo mukalamba ilelo, uwinga tusakamana kuku nakuka kwesu. Ico cishinka? Mwilaya kukwelenganya, ukusosa, "owe, cilya ..."

Atile, "Ilelo." Ena atile, Ena ali ino ine nshita shimapepo mukalamba uyo uwinga tusakamana ku fyakunakuka fyesu.... Cimo cine mailo, ilelo, no muyayaya.

Cinshi ico muletontonkanya, ilyo nali kunse kulya nga kashimikila wa Baptist, kabili ulya malaika wakwa Shikulu alinkumenye kunse kulya, no kunsonta ine ukuya mukucita ici ico ndecita? Cinshi, "kacema wandi atile, "Iwe nafulungana. Cinshi, iwe walikwete iciloto cakutinya. Iwe...."

Natile, "Iwe kuti cawama ukusenda ikadi lyandi ilye senge, ino ine nshita."

Nomba, atile, "Musango nshi iwe, taukwete na masambililo aya kubelenga aya ku sukulu, ukushimikila ukushinguluke sonde? Musango nshi wingatala ukupepela isha mfumu naba kankala, kabili iwe tekuti ubomfye ne nsoselo yobe bwino?"

Nshalesubila mu nsoselo yandi. Ine nshalesubila mukusambilila ukuli konse uko nakwete. Ine nalisontelwe. Aleluya! Kabili ine nshaile kukwelenganya. Nga ine nalyumfwile kukwelenganya, kulya nga kwali abantu amakana abafwile imyaka yapitapo. Lelo ine nasendele imbila filya fine nge fyo Ena asosele, ukushinguluka no kushinguluka isonde!

71 Kabili ine ndeya nakabili, ku nkumbu shakwa Lesa-te mu kwelenganya, lelo ku kusontwa. Aleluya!

Ine nashintilile.... Nomba, imwe mwatila, "Iwe uli ne myaka ya kufyalwa amakumi yasano nafisano?" Nga nali amakumi pabula na fisano, cilya tacipilibula akantu. Ena acili ni Lesa umu wine filya Ena ali pamo na Abrahamu. Ee, mukwai! Kukwiluka kwenu mwebene mwishintililako.

Kabili, panuma ya cishibilo ilyo caile kabili ishiwi ukukonka, kabili inkuta shatendeke ukunkana ine, no kwisala iminshi yabo pe sambilisho ukutila bonse muli bena tabalingile ukwiminina kuli ine, no kusosa cena calilungama, atemwa cilubo.

Ndeshinina onse muli bena! Te kuba uwacenjela, lelo nalishiba apo nabela. Cilya cishinka. Nicinshi ico bacitile, Cinshi ico bacitile cena? Bena baisele umwinshi onse. Nomba, nicinshi ico muli no kucita?

72 Ubushiku bumbi, pa mulu wa lupili, naliminine kulya. Natile, "Shikulu, ninkwata umwinshi umu ukwisulwa mu nko yonse, ukulingana fye nge fyo naishiba. kulya ni ku Phoenix, Arizona. Umu fye eo nakwata."

Kabili natendeke ukwika ukufuma pa lupili. Palwalala fye nge fyo natalile ukumfwa umuntu uuli onse ukulanda, atile, "Ni cinshi cilya kuli iwe? Ukonke Ine iwe." Te pa kwiluka kwandi ne mwine. Ndi no kushintilila pa bulayo Bwakwe!

Owe, mwe banandi, mwishintilila pakwelenganya. Lyena ulabilikisha, pamo na Eddie pruit [Perronet] uwa,

Tulumbanisha amaka Ye shina Iya Yesu!

Lekeni abangeli na bantu;

Balete kuno mucinshi,

Kabili kwikalika wene Shikulu wa bonse;

... kwikalika wene Shikulu wa bonse.

Cilya cishinka. Mwishintilila pa fyo muletontonkanya, pa fyo muntu umbi aletontonkanya. Ku citetekelo sumineni ubulayo bwakwa Lesa. Bushe muli no kucicita cena? Nomba cena tacili nga cakutila umuntu umbi ali cicitile, nga cakutila bena taba cicitile cena, lelo nga palwa imwe?

Ni cinshi ico muli no kucita no yu Yesu, uwitwa Kristu, uyo uleilenga Umwine ukwishibikwa muli buno bushiku cimo cine nge fyo Ena acitile muli bulya bushiku. Bushe mulecetekela Wene? Natupepe.

73 Shikulu Yesu, Imfumu ya shamfumu, Shikulu waba shikulu, Lesa wa tulesa, Lesa uwabakankala bonse, uwantanshi, uwa Kulekelesha, Alifa, Omega, intendekelo ne mpela, ulwabalika kabili ulutanda lwa lucelo, Rose wa Sharon, cananika wa mu mipokapoka, umushila kabili uwa bufyashi bwakwa Dabidi, iseni. Shikulu Lesa-cimo cine mailo, ilelo, no muyayaya-paleni ili bumba Iya bantu, Shikulu.

Uyu.... Ukuiteyanya ukwisa tampa, mailo. Ifwe twalikwete ukulongana ukunono kuno kabili Imwe na mutupala muli kwena. Imwe namuilenga Mwebene ukwishibikwa kuli ifwe. Ndepepa, Lesa, ukutila Imwe

muli nokutwalilila ukuilenga Mwe bene ukwishibikwa kuli ifwe. Tupaleni mu bushiku. Twafwilisheni nomba. Ifwe tuli bantu ababulisha.

Shikulu, Imwe mwalishiba nshatemwa ukwebaula abantu, lelo kuti nakanya shani kulyo kubilima kwa mushilo? Nshatemwa ukucita cilya. Shikulu. Imwe mwalishiba ubumi bwandi, umutima wandi. Ine ningile ukucicita, Kabili ndepepa Lesa ukutila Imwe muli no kungafwilisha ukucicita. Mpeni fye.... Kabili mwikaleka ine nkashintilile ku kwiluka kwandi ne mwine, lelo lekeni ine nshitilile pa bulayo bwenu. Mwi Shina lyakwa Yesu. Ameni.

74 Ndefwaya imwe, cila umo, ukuba fye uwakatina nganshi, pa ma miniti fye ayanono. Muli ili bumba Iya bantu kuliko abaume na banakashi abekele muno, ukwabula ukutwishika, abo abalwele. Nibanga abalwele kabili abatitikihiwa muno? imyeni amaboko yenu, soseni fye, "Ndekabila Lesa." Imyeni fye ukuboko kwenu, ino ine fye nshita. "Ndekabila Lesa."

Nomba, nshaishiba abantu abengi nganshi. Nalishiba aba balumendo batatu abekele kuno kwine. Nalishiba Mr. Dauch no mukashi wakwe abekele palya, kabili Ndetontonkanya, ndetontonkanya uyu ni nkashi Moore. Bushe co cishinka, Nkashi Moore? Kunse ka cilya, ndemona cilya e cilecicita. Munyina Mike kabili kuntanshi, Palya epo mpelele nge fyo ndemona abo naishiba. Lelo Shifwe uwa mu Mulu uyo walaile kabili muli buno bushiku Ena ali nokuishininkisha Umwine muli ino inshita, filya fine fye umusango Ena acitile ku Sodomu.... Bushe Ena alilaile cena? uku ilangisha Umwine" Bushe mulecetekela cilya?

75 Nomba, nga muli noku pepa, kabili kucitetekelo....

Nomba, mwiesha ukwelenganya, "Musango nshi ninga mukumya Wene nga shimapepo mukalamba?"

Nomba Baibele itila, mu Cipingo Cipyra, Ena ni Shimapepo Mukalamba ino ine nshita. Ena aletwalilila ukuba Shimapepo Mukalamba mubukonkani bwakwa Melkesedeke. Ena ni Shimapepo Mukalamba muyayaya. Takwaba Shimapepo Mukalamba umbi kano Wene, Takwaba kapapatila umbi pakati kakwa Lesa no muntu kano Muntu Kristu. Cilya cishinka. Ena ni Eka fye, kabili Ena aba cimo cine mailo, ilelo, no muyayaya.

Nomba nga Ena atwalilila ukuba Shimapepo Mukalamba umo wine, kabili Baibele itila ifwe kuti twamukumya Wene ne fya kunaka fyesu-nga ulya umwanakashi umunono uyo wakumishe ilaya Lyakwe-icitetetekelo cenu kuti ca mukumya Wene, muno bushiku. Kabili Ena ali no kubomba umusango umo wine mu mubili wa buntu, nge fyo Ena acitile ilyo Ena ali mu mubili wa buntu, kulya ku mutelebinti wakwa Abrahamu. Bushe mulecetekela cilya? Ena alilaile Ena akacicita cena.

Nalapepa fye ... uuli onse uyo ukwete ukukabila, kabili ine....

76 Cili kwati nge fyo nasosele, ica bupe tacaba icintu cimo ico caba.... kwati, imwe mwasenda umwele, kabili imwe ngamulefwaya ukuputula ici na wene, imwe kuti mwaputula cena. atemwa imwe ukuputula ici, imwe kuti mwaputula cena, atemwa conse ico mulefwaya ukucita. Cilya te cabupe cakwa Lesa, mwamona. Iyo.

Icabupe cakwa Lesa caba inshila imo imwe mwakwata iya kuifumyapo mwebene ukufuma mu nshila. Kabili ifya bupe no bwite fyalingilwa kabela na Lesa. Ifya bupe no bwite fyaba ukwabula kulapila. Imwe mulafyalwa na cena, Ka giya akanono ako muitintilamo mwebene mukati. lelo imwe tekuti munyante pali pedulo, mwamona. Lesa alingile ukubomfya cena.

Imwe mulingile ukuifumyamo mwebene mu nshila. Icitetekelo cenu kuti cabomfya cena; te candi, icenu. Icandi cifumya fye mu nshila. Imwe mucetekele, no mutima wenu onse, kutila Yesu Kristu wa mweco ilelo.

77 Mwishintilila kukwiluka kwenu mwebene. mwatila, "Cisuma, nomba lolekesheni, ine ndi mu mimonekele iya bipa, munyina. Imwe tamwanjishiba ine. Ine naikala muli ici cicinga, Ine naba...."

Nshilesakamana ifyo imwe mwaba, kabili cena.... Moneni nga Lesa taike no kucita filya fine nge fyo Ena acitile, ilyo Ena ali pano pesonde mu mubili utuntulu. Ena ali no kucicita mu mubili wenu na mu mubili wandi, capamo, nge cilundwa, ukucetekele muli Wene. Ena ali no kucicita pantu Ena alilaya Ena akacicita cena.

Nomba, mwishintilila ku fyo muntu umo alesosa. "cilya cili ukubelenga amano," bena beta cena. Batile Yesu cali icintu cimo cine. Bena batile Ena ali nikabuka, iciwa. Lelo Ena ali Umwana wakwa Lesa, pantu Ena ali ukulingana no bulayo bwa Cebo cakwa Lesa.

78 Nomba nge fyo naxisosa, ififulo fyesu.... ifwe tatulingile ukukwata cilya, ukwisa no kubike ndupi pa bantu. Ifwe twalibikile ndupi shesu pali bena mailo bushiku. Lelo cintu fye ico mulingile ukukwata citetekelo, kabili elyo ishibeni kucitetekelo ... imwe mulasumina cena ku citetekelo, tacili ku cintu icili conse ico....

Mwisosa, mwisosa, "Musango nshi cena cinga citwa?" Nga ine kuti namweba ifyo cena cacitilwe, lyena cena tekuti cibe nakabili icitetekelo. Ine nshaishiba umusango cena cicitwa. Ine nshaishiba, lelo nalicetekela cena. Ine nshaishiba umusango Lesa apuswishamo umubembu, lelo Ena alacicita. Ine nshaishiba umusango Lesa acitilamo ifili fyonse ifi fintu, lelo ine ndasumina cena, mwamona. Ena alacicita cena. Ulya e musango.... Pantu ine teti nondolole cena, Nomba ine, cisuma.... tacakatale ukulondololwa. Takuli nangu umo uwinga cicita, Pantu nga imwe mwacita, lyena tacili nakabili icitetekelo.

Nshilemona umusango Lesa na Kristu bengaba umuntu umo wine-lelo bena bali, Amalembo yalisosa. Cisuma. imwe teti mulondolole cena, lelo bena bali. "Tata ali muli ine. Tacili Nine ubomba imilimo, caba ni Tata muli ine. Nga nshilecita imilimo yakwe, lyena cilya cilelangisha Nshili Uwakwe. Lelo nga ndecita imilimo yakwe, lyena Ena alapela ubunte Umwine ukutila Ndi Uwakwe." Cinshi, caba icintu cimo cine. nomba, filya fine icintu cimo cine. Ena aba cimo cine mailo, ilelo, no muyayaya, nga imwe mwacetekela.

79 Nomba, kuliko umwaume uwikele, kuno kwine kuntanshi yandi. ena nakwata imishishi iya fita. Ena nakwata inkoloko pa kuboko kwakwe, suti uwafita. Ena nafwala amagalashi. Nga imwe kuti mwalolekesha kuno kwine, muli no kumumona wene naikala, na menso yakwe nayashibata, alepepa. Nshamwishiba ulyo mwaume. Shifwe uwa mu Mulu na mwishiba nshamwishiba wene. nalalolekesha fye kuli wene, pali miniti fye, pantu ena alemoneka ngo uuli uwabufuma cumi nganshi, ukwikala kulya.

Ukutula fye apo nacilumbwila, umwaume ulya acishibata fye amenso yakwe, no kutendeka ukupepa. Umwaume ulya mweni kuli ine. Ine nshamwishiba wene. Lesa alishiba ulyo mwaume, kabili Ena kuti asokolola kuli ine nga bulyo bulayo bwaliba ubwa cine muli Baibele. Ena kuti asokolola kuli ine ifyo ulyo mwaume ashibatilepo amenso yakwe, kabili ne fyo alepepelapo. Bushe mulecetekela cilya? Bushe mulecetekela cena, mukwai? Nga iwe uli no kwisula amenso yobe.... iwe nawikala apa pene, lolekesha , apa pene. Bushe ulecetekela cilya? Nomba, nawishiba nshakwishiba. Ifwe tuli mweni kuli umo no mubiye, Lelo Lesa alikwishiba. Nomba ena atendeka ukulila, ukufwinfwinta, Pantu ine kuti namweba nomba, ukutila lesa ali no kwasuka icakulomba cakwe. Mwamona? Pantu cilya ecamwikeshe wene, lulyo lubuuto-ukufuma mufimfi, Iwapilibukila ku lubuuto, mwamona.

80 Nomba, umwaume-ena alepepela umuntu umbi. Kabili ulya ni uyu mulumendo umunono, uwikele kuno lubali, kuli wene. Ulya mwana wakwe. Cilya cishinka. Nomba ulyo mulumendo umunono alecushiwa no kukalipwa kwa mu mala, kabili na cimbi icintu cimo icalubana na mala yakwe. Cilya cinshika. Cilya cishinka, iwe tawafuma kuno. Iwe tafuma ku Arizona, iwe wafuma ku California. Cilya cishinka. Niwe kapyunga, kabili isenge lyobe lili na ba Assemblies of God. Cilya cishinka. Rev. McKay eshina lyobe, atemwa, Rev. Cabe. Cilya cishinka. Nga cilya cishinka, imya amaboko yobe, nge fi. Nomba umulumendo obe umunono alaba umutuntulu.

Icitetekelo cobe.... Nomba, cinshi.... Nomba ulya palya umwaume na maboko yakwe pa mulu. Ena tanjishiba ine. Ine nshamwishiba wene. Cisuma, lelo cena nicinshi? Ena acikumya shimapepo mukalamba. Nomba, mwamona, ena tekuti ashintilile kukwiluka kwakwe umwine. Nomba, nicinshi eco ena ali nokucita? nicinshi ico ena acita nomba? ena alingile ukucetekela cilya, ico calandilwe kuli wene, cishinka, pantu ena naishiba Ena tanjishiba ine. Cilya cishinka.

81 Pano, pano napekala umwanakashi, naikala pano pene, kuntanshi yandi. nao, ena nakontamika umutwe wakwe. Ena alecula nempwalonda. Nao wine afuma ku California. Ndesubila ena talepanya ici. Miss Adams, eshina lyakwe. Nshatala mu monapo mubumi bwandi. Mwamona. Cilya cishinka.

Kuliko namayo uwikele kunuma kuno. Tekuti mbike fye ukusonta kwandi kuli wene, lelo ndemona Ulubuuto nalulebela pali wene. Ena ali mubwafya ubukalamba. Ena nakwata ubwafya no mukoshi wakwe, pa cintu cimo. Kabili icintu cimbi, ena nakwata amafya ya bumupashi, ukusakama, ena ekulemucusha. Kabili ena nakwata ubwafya bwapa nga'nda-umwana wakwe umwanakashi na butuka fye. Cilya cishinka, Cilya cishinka, bushe tacili? Ena naimya ukuboko kwakwe. Mrs. Miller, cilya cishinka. Bushe ulecetekela? Lesa ala mutuma ukumubweseshamo, ukundapa umubili obe. nshatala mumonapo mubumi bwandi. Ena mweni umupwilapo.

Kuliko na mayo uwikele muno mwi bumba, ena tafuma kuno. nao wine afuma ku California. Ena nakwata impwalonda, kabili mpwalonda ili pebele lyakwe. Ena alitumbulwapo ibele limo, kabili yena naiya kuli limbi. Cilya cishinka. Mrs. Calvin, cilya cishinka. Bushe ulecetekela ukutila Lesa alakulenga ukuba umutuntulu? Iwe ulecetekela cena? Ndimweni kuli iwe, na mayo. Nshakwishiba iwe, cilya cishinka, Mwamona.

Pa kutila imwe mwingeshiba ukutila Lesa epo ali,

82 Pali ko na mayo uwikele kulubali fye lwakwe. Ishina lyakwe ni Mrs. Harris. Ena mweni umupwilapo kuli ine. Lelo ilyo Mupashi wacikasha uyu mwanakashi, nao wine ali ne nkumbu na ena. Kabili ena esa ukufuma ku California. Kabili ena nakwata ubwafya no kubeya kwakwe. Cilya cishinka. Bushe ulecetekela ukutila Lesa alakundapa? Nga cilya cishinka, imyaka ukuboko kobe, pakutila abantu bengamona. umweni umupwilapo.

Nokwiluka kobe we mwine wishintililako.

Nicinshi icinga cita cilya? Iwe teti ulondolole cilya. Cilya cintu icaibela. Cena capula pa kulondolola. Ipusheni balya bantu. nshatala bamonapo mubumi bwandi, nshaishibapo nangu cimo palwa bena. Cena kuti catwalilila fye mukulongana. Lelo nomba, lolekesheni. mwi esha ukushintilila kukwiluka kwenu mwebene, lelo shintintilileni kufyo Ena alaile, kutila Ena ali no kucita cilya. Nga ulya te Mupashi umo wine uyo waikela mumubili wa buntu, uyo waishibe ukutula Sarah alisekele mwi hema, kunuma ya muntu! Bushe cilya cishinka...?

Kabili Ena alilaile lintu fye sonde talila onaulwa no mulilo, ilyo Mwana wa muntu ali no kuisokolola Umwine nakabili, mu musango umo wine nge.... fyo Umwana wa muntu, mubusesemo, akaisokolola Umwine mu mubili wa buntunse, nge fyo Ena ali pano pamo na ifwe muno bushiku, nge fyo Ena acitile lilya, nomba ni ora nshi iyo tuleikalamo? Mupepi fye no konaulwa.

83 We munandi, wiiminina muno nakabili umubembu! Sumina Yesu Kristu, ilyo iwe uli mu mulola wakwe nomba. Ninjishiba ilingi line caba ulutambi kuli ba kapyunga ukucito kupapata, nokulanda amalyashi pali mayo uyo wafwa, nokutangilako. Cilya cili fye bwino. Lelo tatwisa pa mulingo wakutula bamayo balifwa. Bamayo balifwa, na ine, batata, nabo. Lelo ifwe tulesa mukucenjela, ukusumina pa mulingo wakwa Lesa ukuilangisha Umwine muli Yesu Kristu, ukusenda imembu sha calo. Ifwe tulesa, nokucetekela pa cikonsolwelo, kabili ilyo Ena ashininkisha Icebo cakwe.

Nshilesakamana lukuta nshi ulu mwayako-methodist, Baptist, Catholic, Presbyterian, atemwa ulukuta nangu lumo nakalya-nga muli nokusumina ukutula imwe na muumfwa cena umusango umbi, kabili ukwishiba ukutula imwe mucine tamwatala ukufyalwa cipya cipya, lelo imwe mulefwaya ukuba, kabili mulefwaya ukusumina cena nomba, ubulayo nomba. Imwe limbi teti mwisushiwe nomba, lelo imwe mukesushiwa ilyo-ilyo kulongana kuletwalilila.... Imwe mulefwaya ukusumina cena pali ilye milingo, bushe kuti mwaiminina pa nkasa shenu, no kuleka ine mupepeleko ipepo, apo pene apomwininine? Uuli onse uli muno uyo wishibe,

84 mwishintilila pa yenu mwebene....

Owe, ukusosa, "Nalilandila mu ndimi." Nomba, cilya tacakwatapo nangu cimo icakucita na cena. Nalicetekela ukulandila mu ndimi, na ine. Lelo nalimona indoshi, ifiwa, ne fintu fyonse ifyashala, ukulandila mu ndimi no kwilula kwena. Cilya cishinka. Ipusheni ba minshoni abali kuno. Ifwe kuti twasanga. Munyina Creech pano-ipusheni wene. iwe walishiba cilya cishinka.

Nalibamona ukulandila mu ndimi, no kunwa umulopa ukufuma mukapanga ka muntu, ukwita pali ciwa. Mucine, Nalimona bena ukubika pensulo panshi, kabili yena kuti yaiminina no kulemba mululimi lumbi, kabili ndoshi, uwa manga, ukwiminina kulya no ukwilula cena.

E ico kulandila mu ndimi tacaba icishibilo icakutula imwe mwalikwata Mupashi wa Mushilo. Nga cilya, nga imwe mwalandila mu ndimi nokukana ici Cebo, kuliko icintu cimo icalubana, pa cifulo cimo. Mwiesha ukushintilila kukwiluka kwenu mwebene. Umo muntu kuti aba, mwatila, "Lelo nalibilikisha!" Na ine ndacita, lelo mwishintilila kuli cilya. Ine nalimona imisango yonse iya ngulu ukubilikisha, no kupunda. Nalimona ba Mohammedans ukubilikisha no kupunda, mpaka bali ibomfeshe abene beka mucifulo cakutula bena kuti batunga bacilasa mundupi shabo.

Mu India, nalibamona ukupunda, no kutoloka toloka, ukusenda imipila yamenshi na mabulobo muli yena, no kuititikisha ukupula munkanda yabo, kabili ukwenda pa misolilo iyakaba iya mulilo. Cilya cishinka. ukukana Yesu Kristu.

85 Mwamona? mwiesha ukushintilila kukwiluka kwenu mwebene, kano pa Cebo cakwa Lesa.

Ngo bumi bwenu tabusuntinkana ne iyi Baibele ukucetekela Icebo conse ico cili mulya, kabili imwe mulefwaya ukucetekela cena, kabili mulefwaya Lesa ukubomba ubufwayo Bwakwe muli imwe pantu imwe kuti mwaba iciputulwa cakwa Lesa, bushe muli no kwiminina nokusosa, "Nalasumina cena, ino ine nshita munyina."

Natotela. Natotela. Lesa akupale. Lesa akupale. Lesa akupale. Lesa akupale. Lesa akupale. Cawama! Lesa akupale. Lekeneni Lesa apele kuli.... imwe bonse, bushe muletontonkanye ici.... mube fye abaiminina. Mwatila, "Nine membala wa lukuta, Munyina Branham. Lelo mucine, nine Pentecostal, lelo ilyo cena mucine caisa mucine ukusosa ine kuti nacetekela conse cilya Cebo e cine.... Ine tekuti ncite fye cena, lelo ine ndefwaya ukucita cena. Bushe kuti mwangafwa? Imwe mpepeleniko. Ine ndefwaya ukwiminina no kusosa Ine...."

Mwatila, "Cisuma, lekeni twikale kuno."

Atemwa, "Ine nalipela ubunte muli luno lukuta ukutula nali," lelona mwishiba mukati ka mutima wenu, imwe ta muli. Lesa alishiba imwe tamwaba, naco, mwamona.

E ico cinshi teti mwiminine fye? Mwiesha ukushintilila ku kwiluka kwenu mwebene, lelo shintilileni ku Cebo Cakwe.

86 Bushe mwalauminina? Na bambi bamo, uuli onse uwashala, ulefwaya ukwiminina? Lesa akupale, Lesa akupale, Lesa akupale, iwe. "Lesa ngafweni." Lesa amupale. Owe, cilya cisuma. Twalilileni fye ukwiminina.

Mwatila, "Bushe cilya calancita icisuma icili conse?" Mukeminine inshita imo, mukamone nga cena cilacita. Mucine ukupilibula cena. "Ndefwaya, Munyina Branham, ndefwaya ukuba uwalungama. Ndefwaya ukuba uwalungama."

Nomba, nshilesoso kutila fumeni mu lukuta lwenu. Iyo, mukwai. Ikaleni uko kwine uko mwaba. beni fye umuntu uwaisushiwa na Mupashi wa Mushilo nganshi muli lulya lukuta.

Mwatila, "Cisuma, Nshishibe fyo kacema wandi ali nokusosa." Ena akatasha imwe, nga muli, ena muntu wakwa Lesa. Cilya cishinka. Lengeni ulubuuto lwenu lubalike ku cinso ca bantu, pa kutila bengala mona imilimo yenu isuma, no kucindika Shibo.

Lesa akupale, Lesa apale imwe bonse babili. iwe, naiwe munyina, iwe. Lesa amupale, cila umo. Lesa akupale. Lesa akupale.

87 Nomba, imwe mwe beminine, nga muleumfwa bwino panuma yakwiminina, imyeni fye amaboko yenu, ukweba bambi ukutula imwe muleumfwa bwino palwa cena panuma ilyo mwaiminina. Mwamona? abali bonse. Mucine mulacita. mwamona.

Nga imwe muli ababufuma cumi, imwe namwiminina, ukusosa "Ndi no kuba inte."

"Uyo uuli no kunjimininako ine pano, Nkamwimininako wene kulya. Uyo ulengu'mfwile nsoni Ine pano, ku cinso ca aba bantu, Nka mumfwile nsoni ine ku cinso cakwa Tata, na ba Malaika aba mushilo."

Mwilamumfwile nsoni Wene, Mwilashintilila pakwelenganya kwenu mwebene. Shintilileni pa Cebo cakwa Lesa. "Uyo ukanumbula Ine ku cinso ca bantu, wene Nkamulumbula ku cinso cakwa Tata, na ba Malaika ba mushilo." Bushe kuliko na bambi bamo lintu fye tatulapepa? Natukontamike imitwe yesu, lyena.

Lesa akupale, nkashi. Mucine. Lesa akupale, iwe, munyina. Mucine. Bushe kuti kwabako naumbi? lintu fye tukwete imitwe yesu iya kontamikwa, Lesa akupale, iwe. Lesa akupale, mucili na mwiminina. Twalalolela akashita fye, pakashita fye. Lesa akupale, munyina. Lesa akupale.

Ukusosa, "Bushe cena cilepilibula icintu iciliconse ukusosa 'Lesa akupale?'" Cilya kulumbula amapalo yandi kuli imwe. Lesa akupale.

88 Imwe bamo mwebeminine mumbali ya cibumba, apo tamukwete incende yakwikalapo, bushe kuti mwaimya fye ukuboko kwenu nokusosa, "Ine, Lesa. cena nine, Lesa." akupale. Lesa akupale, na iwe, nkashi. iwe, munyinanane, na iwe, nkanshi yandi.

Owe, Mupashi wa Mushilo aleenda bwino nganshi pe bumba. Bushe ta muleumfwa cilya? Lesa akupale, we mwaume wa caice, kuno lubali lwa kuntanshi. Lesa akupale, kulya mucifutu. Lesa akupale, wemwaice. Ee.

Owe, Mwe Mupashi wa Mushilo endeni cipya cipya mu mitima yesu. Nomba, tulangisheni ifilubo fyesu, Shikulu. Ifwe tatuleshintilila kukwiluka kwesu fwebene, ukwelenganya kwesu fwebene. Lelo ifwe tuleshintilila pali Imwe, pantu ifwe natwishiba ukutula ifwe tuleiminina mu bwenu ubwa bulesa, ubulayo ubwashininkishiwa ubwelelo.

Imwe namuilenga mwebene ukwishibikwa ukucila uuli onse, ukucila kwelenganya ukuli konse. Ifwe tekuti twelenganye napamo ukulondolola cena, lelo imwe na mwisa ukwika mukati fye kesu, nomba, no kuilenga ukwishibikwa kuli ifwe, ukutula Imwe muli muno. kabili abaume nabanakashi balecetekela cilya, no kusumina cena.

Lesa, sendeni cila umo uwa muli ifwe mucifuba cenu no kubafisa mu Cilibwe ca Kale, mpaka imililo ipite. Ifwe tulimupepi ukocewa, Shikulu. Ifwe twalishiba cena. Ifwe natubwelela mu Sodomu, lelo abalungami tabakonaika pamo na ba mulandu.

Imwe muketa abana Benu, Shikulu. Imwe mwaebele Loti, "Fuma umo, fumamo!" Ndepepa, Lesa, ukutula cila umo ulya uuli muli ilya mibele, muno bushiku-uuli kunse kulya, ukukana ba abashininkisha apo baiminina.... Lesa, bena tekuti basende ishuko ukuya mumusebo uleya ulubali lumo inshila iya lubana. Bena tekuti basende shuko ilya kupita pa nyali yakashika, nga bena bali mu mano yabo ayatuntulu, pantu bena limbi kuti baipaiwa. Lyena musango nshi umuntu enga senda ishuko pa cifulo cabo ica Muyayaya, ukutunganya fye, ukweshya fye. ukuya, ukwabula insambu ishine shine ukuya, pantu bena baba kulukuta atemwa icilonganino.

Kabili mucine, bena tekuti-bena tekuti beluke ukutula ifyo Icebo cakwa Lesa kuti caba "ilelo" nge fyo

cena cali lilya, ifyo aya mabulayo yengalengwa ukumonekela, inshita ya batumwa ukupwa. Bafwilisheni, Tata. Nabapela kuli imwe mwi shina lyakwa Yesu Kristu. Ameni.

89 Natotela, munyinane, nkashi. Ndi uwansansa ukumita imwe munyinane, nkashi. Ibukisheni, Lesa akanenga ine ukwasukilapo pe shiwi ilili lyonse pa bushiku bwa Bupingushi. Ifintu fyonse ifyo nshimikilepo muno bushiku, ningile ukwasukilapo pali cena. Ninjishiba palya cilya. Kabili cishi ico nacita, ukutula ilyo nali umulumendo umunono? ukushimikila iyi mbila nsuma. Kabili elyo ukuba icakuposwa?

Nomba, nibanga muli imwe abali abalwele noku titikishiwa muno bushiku, kabili imwe mulefwaya ukupepelwa? Imyeni ukuboko kwenu. Nomba, bushe mwalancitilako icintu cimo ine? Bikeni indupu shenu pali umo no mubiye. Bikeni ndupi shenu pali umo no mubiye. Umuntu onse akontamike umutwe wakwe nomba, kwati fye mwImwe no kubwela. Mwe Lesa, ndepepa ukutilamwi Shina lyakwa Yesu Kristu, ukutila Imwe mwalaundapa umuntu onse. Mwatile, "Ifi fishibilo fikakonka abo abacetekela; nga babike ndupi shabo pa balwele, bena bakali mu chalichi, kuno lubali ku ntanshi. Lesa umutemwikwa, mwi shina lyakwa Yesu Kristu, kabili no mulola Wakwe-umulola uwa shininkishiwa-icebo cine ico cashimikilwa na cishininkishiwa, ukutila imwe mwaba cimo cine mailo, ilelo no muyayaya. Lekeni Mupashi wa Mushilo wakwa Lesa upite muli ili bumba lya bantu ino ine inshita. Abengi muli bena na besa nokusumina imwe nga Kapususha wabo. Abengi ababwelele numa nabasumina imwe nokubwela.

Owe, mwe Lesa, Ndepepa ukutila, mwishina lya kwa Yesu Kristu, ukutila imwe mwalaundapa umuntu onse. Mwatile, "Ifi fishibilo fikakonka abo abacetekela: nga babike ndupi shabo pabalwele bena bakaba abatuntulu." Imwe mwalicilaya, Shikulu, kabili abana abacetekela nababike ndupi shabo pali umo no mubiye.

Satana, iwe naucimfiwa, fuma muli aba bantu, mwi Shina lyakwa Yesu Kristu. Leka aba bantu baleya, pa mulandu wa bufumu bwakwa Lesa, mwi Shina lyakwa Yesu. Ameni.

90 Bonse abo abacetekele ukutila Yesu Kristu nomba ni kondapa wenu nakabili nga Kapususha Wenu, kabili imwe mulefwaya ukusumina Wene pa fishinka fimo fine, iminineni pa nkasa shenu. ukusosa, "Ine nomba nasumina Yesu nga Kondapa wandi nacimbi nga Kapususha wandi." Cisuma! Shikulu alumbanishiwe! Shikulu acindikwe! Nomba natwimye amaboko yesu no kwimba kuli Wene.

Ndemulumbanya, ndemulumbanya,

Lumbanyeni Yesu uwatulubula;

Peleni wene ubukata mwe bantu bonse,

Pantu umulopa Wakwe nausamba akalitoni konse.

Owe, bushe tamule umfwa bwino? Sokonyeni amaboko yenu. Owe mwe! Natulwimbe nakabili.

Nde mulumbanya, nde mulumbanya,

Lumbanyeni Yesu uwatulubula....

Ibukisheni, cimo cine mailo, ilelo, no muyayaya. Ulyo mwaume ali pano.

Mulumbanyeni mwe bantu bonse,

Pantu umulopa Wakwe nausamba akalitoni konse.

91 Mwalitemwa cilya? Lekeni tupalamane no kuposha mu kuboko kwa muntu umo. Uku e kutendeka kwa kulongana, ukwatendeka mu musonkano. Soseni "Lesa akupale, munyina umutandanshi. Lesa akupale." Cilya cisuma! Cilya cisuma! Icawama! Nomba mulecetekela tuli nokukwata umusonkano ukalamba panuma ya uku? Ifwe tuletasha Lesa pa kulongana ukukalamba. Nomba ifwe tuli nokukwata umusonkano ukalamba. Bonse abo abacetekela cena, soseni, "Ameni."

Nabebeta Imwe,

Mwali pa (natulolekeshe kuli Wene nomba)

pa Kalbale,

Owe, Mupusushi;

Mungu'mfwe mwipepo,

Fibi fifumiwe,

Ndetendeka lelo Kuba Wenu!

Nga nyenda mu mfifi,

Yaisa macushi,
 Ntungululwe;
 Mfifi ibe kasuba,
 Mufumye kucula,
 Ndetendeke lelo Kuba Wenu!
 Ameni. Ulukuta Iwatila, "Ameni." Aleluya!

.....

Lumbanyeni Umwana wa mpaanga uwaipaiwe,
 Mupeni ubukata mwe bantu bonse,
 Pantu umulopa Wakwe nausamba akalitoni konse.
 Ifyo cawama!

92 Cisuma, kuti twakontamika imitwe yesu nomba ku mapepo? Nomba, Nshishibe uyo wacisalwa ukucicita cena. Munyina Jhonny Manedahl ukufuma ku califor, ilyo imitwe yesu ili ya kontamikwa. Nomba mwilabako mailo ubushiku. ilya eya kubalilapo ukutendeka-mailo ubushiku. Umusonkano ukabela fye kuno, kuno kwine, muli cino cikulwa pa 7:30.Lesa amupale. Bushe namuipakisha umulola wakwe? Nomba natu kontamike imitwe yesu ilyo Munyina Johnny aletusalanganya.



www.messagehub.info

Iyabilwa na
William Marrion Branham
 "...mu nshiku she shiwi..." Ukusokolola 10:7